

Simon Waslander:
Horcan Klas 5 a Yega:
Prepara pa recesion sigui pa
inflacion halto

Pagina 5



Nigel Maduro:
“Nos tin ideanan,
pero nos no
tin e oido di e
lidernan”

Pagina 3

- **Training di Caribe Wave 2024 a tuma luga ayera mainta**
Pagina 2
- **Iglesianan Cristian di Aruba (ICA) lo keda pa defende moralidad**
Pagina 4
- **Reunionnan andando pa yega na palabracion fiscal entre Hulanda y Aruba**

Pagina 6

**Representante di Comision di
Atleta, Kamilah Dammers a
biaha pa e Foro Suramericano**



Pagina 18

**A tira obheto na candela riba
embahada Israeli na Den Haag**



Pagina 9

**Mexico ta insisti cu lo no acepta
migrantenan deporta for di Texas**



Pagina 10

Na Aruba tambe a conmemora Dia Mundial di Down Syndrome

Ayera tabata World Down Syndrome Day, un dia specialmente dedica pa crea conscientisacion ariba e condicion Down Syndrome. Na december 2011 Asamblea General a declara 21 di maart como Dia Mundial di Down Syndrome y a dicidi, cu efecto for di 2012, pa observa Dia Mundial di Down Syndrome cada aña riba 21 di maart pa aumenta consciencia publico tocante Down Syndrome.

Down Syndrome ta sosode ora un individuo tin un extra parti of henter copia di cromosoma 21. Te ainda no sa pakico e sindroma aki ta sosode, pero Down Syndrome semper a forma parti di condicion humano. E condicion aki ta existi den tur region riba mundo y ta resulta den efectonan variabel riba estilonan di educacion, caracteristicanan fisico y salud.

Segun Organisacionnan di Nacionnan Uni ta indica, acceso adecua na cuida di salud, na programanan di intervencion tempran y na educacion inclusivo, manera tambe investigacion adecua, ta vital pa crecemento y desaroyo di e individuo. E calculacion di incidencia di Down Syndrome ta entre 1 den 1.000 pa 1 den 1.100 nacemento rond di mundo. Cada aña, aproximadamente 3.000 te 5.000 mucha ta nace cu e condicion di cromosoma



aki. E calidad di bida di hende cu Down Syndrome por mehora door di satisfice nan necesidadnan di cuida di salud, incluyendo chekeo regular cu profesionalnan di salud pa monitor e condicion mental y fisico y pa duna intervencion na momento cu ta necesario.

Individuonan cu Down syndrome por alcanza un calidad di bida optimo door di cuida y sosten di mayornan, guia medico y sistemanan di

sosten basa riba comunidad manera educacion inclusivo na tur nivel. Esaki ta facilita nan participacion den comunidad principal y e logro di nan potencial personal.

E aña aki e tema pa celebracion di Dia Mundial di Down Syndrome ta "Pone fin na e stereotiponan." Un estereotipo ta un idea cu hende tin tocante con un persona of algo ta. Stereotiponan por ta positivo, negativo of neutral, pero hopi biaha nan ta robes, of simplemente un mentira.

Pa hende cu Down Syndrome y desabilidadnan intelectual, stereotiponan por para nan for di wordo trata manera hende normal. Den hopi caso nan ta wordo trata manera mucha, nan ta wordo subestima y nan ta wordo exclui. Den algun caso hasta nan ta wordo maltrata of hasta abusa.

Na Aruba e dia special aki no a pasa sin mas. Riba rednan social diferente organisacion, scol y persona a uni na e celebracion di e dia aki y a publica nan potret(nan) cu

nan meanan di color bisti, pa yuda crea conscientisacion y pone fin na stereotiponan.

Na Aruba e individuonan cu e condicion aki tambe ta lucha pa ta inclui den comunidad den tur nivel y danki na organisacionnan cu ta lucha hunto cu nan, durante e ultimo añanan, e inclusion a crece, pero ainda falta caminda pa cana.

Potretnan: Facebook

Training di Caribe Wave 2024 a tuma luga ayera mainta

For di 11or di mainta di ayera a tuma luga diferente training relaciona cu Caribe Wave 2024, unda a realisa diferente evacuacion pa por tin un bista di kico ta e preparacionnan cu por haci den e caso real di un tsunami.

Recientemente e fenomeno natural historico aki a determina e nivelnan di vulnerabilidad y riesgo pa e bida y medionan di sobrevivencia a traves di e tsunaminan a lo largo di e costanan di Caribe y regionnan cercano. Ehercicionan of training aki ta proporciona un incentivo fuerte pa paisnan por prepara pa un tsunami y pa comunidad participa den ehercicio aki.

Lothar Irausquin di Meteo a informa cu durante e ehercicio ta pone na prueba e



canalnan di comunicacion pa ricibi e tsunami bulletin, centenares di persona a participa den dje den ultimo decada pa asina yuda fortalece e consciencia y preparacion pa e evento poco frecuente aki pero cu tin un impacto halto den Caribe. Den ehercicio aki a pone dos

escenario: un tsunami genera pa un terremoto di Mw 8,47 na trench di Panama y otro genera na trench di Puerto Rico di Mw 8,7, cu olandan entre 1 y 3 meter di altura y ora esey ta tuma luga asina, e criterio ta pa tur hende ta pa evacua e beachnan, e prome ola lo mester a yega 1 ora y

43 minuut despues di e terremoto.

E prome boletin di Crisis Management Office (CMO) di ayera dirigi pa stakeholders manera brandweer, polis y prensa tabata 11or di mainta ora tur training a cuminsa, e di dos tabata 11.30 y ultimo

1.30 di atardi indicando cu "no tabatin mas peliger di tsunami pa Aruba."


Segun por a compronde for di Hermans, esaki ta ultimo biaha cu Aruba ta bay train cu e sistema aki, otro aña lo tin training cu Early Warning cu na augustus di e aña aki ta bay keda inaugura y Aruba ta bay den direccion di alarma nacional cu ta bay tin ademas di e sirena, e bos, e cual ta duna indicacion di kico tin cu haci despues di esaki.

Nan a monitoria cuanto hende a participa y cuanto hende lo a fayece door cu segun Hermans a señala, Aruba tin un tendencia cu no ta train of no ta participa pero ora cu algo ta sosode, ta cuestiona y critica.

Nigel Maduro:

“Nos tin solucion, nos tin ideanan, pero nos no tin e oido di e lidernan”

El a bira conoci dia cu el a dicidi di tuma accion y lanta su voz. Pa algun hende e ta un persona luchado pa medio ambiente y pa su tera, locual el a demostra un biaha mas ora a presenta hunto cu un grupo di hende den pleno discurso di prome minister di Aruba, dia 18 di maart ultimo, pa bolbe lanta nan voz y bisa “tuma accion ambiental na serio.”



Den un entrevista cu Bon Dia Aruba a tene cu Nigel Maduro, el a trece dilanti cierto punto cu ta causa preocupacion. Pa e motibo, ey su persona hunto cu un grupo di ciudadano a dicidi di bay protesta na Plasa di Betico dia 18 di maart, na unda nan a interumpi e discurso di prome minister Evelyn Wever-Croes.

“Nos a haci 18 di maart pasobra e dia ey a cuminsa un protesta y nos kier a trece e mensahe dilanti cu nos ta den un crisis di medio ambiente. Tin hopi daño cu ta pasando, por ehemplo cu nos tin demasiado hotel y e turistanan mes ta gritando y bisando cu nos no por mas cu hotelnan. Tambe tin e cuestion di hopi tereno unda cu ta rosa of ta bende e mondi pa hendenan di afo, cu ta rico, cu tin placa y ta laga e bestianan nativo perde nan habitat den nan ecosistema,” Maduro a sigura.

El a trece dilanti tambe e problema di awa di riool cu ta drenta lama sistematicamente, loke ta haci polucion; e situacion di oilspill cu a yega Aruba y cu den su opinion, instancianan no a bati alarma; cambio di clima unda Aruba cada dia ta birando mas caluroso. “E aña aki meteorologicamente, a bati alarma cu Aruba ta hayando mas calor y Aruba ta un di e paisnan mas afecta na mundo a base di e temperatura cu ta subi.”

Pa Maduro, ta hopi punto pa loke ta trata medio ambiente cu gobiernonan no ta tumando na serio. “Esey nos kier purba di trece dilanti pa cuminsa tum’e na serio pasobra nos economia ta a base di nos naturalesa. Nos mester di dje pa nos haya nos economia y nos pan di cada dia. Si nos no ta worry cu nos medio ambiente, nos lama ta bira sushi, mondi ta ser corta, cu tur e cosnan aki ta bay tin turistanan cu no lo kier bin Aruba mas. Hendenan ta lubida cu Aruba ta birando caro pasobra nos ta hayando mas hotel, mas inversionistanan ta trece mas inflacion y p’esey

nos kier cuminsa trece dilanti cu efecto di medio ambiente y tur loke ta pasando ta bay laga e sistema ecologico, economico y social cay,” el a bisa.

Maduro y su grupo kier sigui pone presion tanto na Gobierno como na Parlamento di Aruba manera el a sigura, pa nan cuminsa tuma e pasonan necesario den poder y pone medio ambiente den prioridad como discusion, “nos tin solucion, nos tin ideanan, pero nos no tin e oido di e lidernan pa scucha nos, pueblo mes ta gritando nan mal contento pa cosnan cu ta pasando na Aruba, e ora ey miembronan di parlamento y gobierno tin cu refleha e pueblo, pasobra nos a pone nan eynan pa un motibo.”

Ademas, el a afirma cu el a yega di papia cu minister encarga pa Naturalesa y Medio Ambiente, Ursell Arends, pero te ainda no a logra concretisa un reunion formal cune, el a pidi na minister un audiencia pa sinta y papia di e tema aki.

Tambe, el a trece dilanti e encuesta cu Oficina di Turismo (ATA) ta realizando pa hendenan local, den su opinion, Maduro a contesta cu el a participa hunto cu grupo den encuesta aki pa motibo cu ta un ocasion pa por haya data y ATA cuminsa haci algo cu e data aki. “Mi kier sa ki dia e resultadonan ta bay sali y kico nan ta bay purba di haci, si lo tuma prioridadnan na cuenta pasobra nan tambe ta ripara cu nos ta den crisis di medio ambiente, sinembargo, el a bisa cu “ATA a laga algun cosnan afo, e preguntanan tabata ‘mucho bunita’ mientras tanto cu e realidad di e pregunta mester ta mas serio pa refleha e realidad di Aruba.”

Dianan pasa, tambe a bira conoci un process-verbal e cual tabata hopi controversial pa motibo cu den e documento ta señala cu minister di Husticia Rocco Tjon ta solicita pa duna e caso di Maduro prioridad, esaki ta



relaciona cu na september di aña pasa Maduro a pinta e rotonde di e Briekel y otro luganan cu e palabranan “No More Hotels” pa esaki Maduro a comenta cu e no ta haya e situacion aki integro, “ki mishi un minister ta mete den asuntonan of ta duna opdraag na recherche pa duna prioridad na mi caso, pakico? Mientras tanto cu tin hopi otro problema social na Aruba, como pedofilia, batimento di hende muhe, corrupcion den funcionnan halto, pakico e casonan ey no ta haya prioridad y mi caso si? Mi no ta un menasa pa sociedad di Aruba, mi ta solamente un ciudadano cu ta fada di e sistema.”

Maduro ta considera cu nan ta purba di forsa y abusa cu nan poder pa asina hendenan keda keto, “pero a mi no ta bay keda keto, pasobra mi ta bisando hopi cos fout di e sistema, nan ta kere cu poniendo mi caso un prioridad, no ta bay sali den dia cla, mas nan ta haci cosnan asina, mas mi ta bay papia y muestra tur e pueblo di Aruba cu cosnan sushi ta pasando y esey no ta bon, no ta husto,” el a bisa.

Pa finalisa, el a expresa cu e lucha pa naturalesa ta bay sigui, cu nan ta bay continua exige pa Gobierno y Parlamento cuminsa tuma pasonan den esaki, nan grupo ta bay sigui papia cu comunidad pa motibo cu nan mester sa kico ta pasando na Aruba, “nos tur ta wak kico ta pasando, ATA mes ta wak kico ta pasando, Fundacion Parke Nacional Aruba tambe sa, mientras tanto e hendenan den poder cu ta supone di yuda nos no ta haciendo nada, nos ta bay sigui den e lucha y nos ta bay bin cu nos mesun solucion duradero cu of sin nan autorisacion y e ta bay bira algo grandi y internacional,” Maduro a afirma.



Iglesianan Cristian di Aruba (ICA) lo keda bin pa dilanti pa defende moralidad y mandato di Dios

Den edicion di 13 di maart 2024, Bon Dia Aruba a publica un articulo den cual a trece pa dilanti e carta cu organisacionnan di iglesia y pastornan di islanan CAS a manda pa Corte di Casacion na Hulanda, tocante e tema di legalisacion di matrimonio pa parehanan di mesun sexo. Reportero di Bon Dia Aruba a tuma contacto cu e organizacion aki na Aruba, y logra sinta pa un entrevista despues di e publicacion pa asina por elabora mas ariba e topico aki.

Durante e entrevista pastoor Norman Browne y pastor Frank Daal a trece pa dilanti nan argumentonan contra di e legalisacion di matrimonio pa parehanan di mesun sexo, kico en realidad ta nan punto di bista ariba e tema aki y con nan ta para pa defende e mandato di Dios.

E carta, data 11 di maart 2024, ta un carta abierta cu e presidente di Iglesiasnan Cristian di Aruba (ICA), Sr. Gilberto Martes; presidente di Asociacion Pastoornan di Corsou (APK), Said Flores; y presidente di Sint Martin United Ministerial Foundation, Orlando Wilson, a manda pa Sorte di Casacion na Hulanda.

Pastor Norman Browne a splica cu door cu e organisacionnan no ta un partido den e caso, ta pais Aruba y pais Corsou ta partido den e caso, nan no ta spera un reaccion ariba e carta aki for di corte, pero el remarca cu si nan ta kere cu tanto Corte como pueblo Hulandes lo tuma nota di e carta.

El a sigui splica cu normalmente Corte ta tene cuenta cu e argumentonan cu ta ser treci pa dilanti door di ambos banda y argumentonan cu e organisacionnan religioso a trece pa dilanti den e carta, el a indica, mayoria ta cuadra cu locual e abogado defensor di Aruba y e abogado defensor di Corsou a trece pa dilanti.

“Nan no ta obliga di tene cuenta cune, pero nos ta kere si cu nos a subraya e puntonan cu nos a abogadonan a trece pa dilanti durante e caso,” el a enfatisa.

Ainda no tin un veredicto ariba e caso aki y Corte tin



te cu dia 31 di mei pa bin cu un decision final. Pastoor Browne a indica cu e abogado general cu a duna conseho na e corte tabatin te 19 di januari pa trece su recomendacionnan y e abogado aki a duna su recomendacionnan un luna delanta, dia 22 di december 2023, y su conseho tabata pa Aruba y Corsou legalisa matrimonio pa parehanan di mesun sexo.

Un di e argumentonan di e comunidad LGBTQI+ ta bisa cu e meta pa legalisacion di matrimonio pa parehanan di mesun sexo ta pa tin igualdad, pa tin e mesun derechonan y cu esaki no tin nada di haber cu religion. Pastoor Frank Daal a splica cu ora ta papia di union civil of matrimonio y si e comunidad aki ta solamente busca e derechonan, nan por djis bay un notaria y drecha esey, pero e comunidad LGBTQI+ tambe ta bisa cu nan kier wordo considera igual cu un matrimonio entre un hende homber y un hende muhe.

El a remarca cu como iglesianan, nan ta considera nan mes como e defensornan di loke ta moralidad y nan ta esnan encarga di parti di Dios pa sali afo y “spierta” e hende en general tocante e boluntad di Dios.

“Di eynan nos ta sali bini. No pa crea odio ni nada di esey, pero solamente muestra riba palabra di Dios. Nos kier respecta derecho di tur hende, mientras cu e no ta bay konkel den loke ta e moralnan di Dios y esey ta caminda cu nos ta bin aden,” el a enfatisa.

Pastor Daal a subraya, un punto cu tambe ta bin dilanti den e carta abierta na Corte di Casacion na Hulanda, cu parehanan di mesun sexo kier wordo trata igual, pero, segun el a indica, no tin igualdad den e caso aki y cu hasta Corte Europeo a bisa esey.

El a splica cu no tin igualdad den e caso aki pasobra matrimonio pa parehanan di mesun sexo no ta un derecho humano. El a indica cu e no ta un derecho humano pasobra ora e pareha bin hunto nan no por funciona manera cu un pareha heterosexual por funciona.

“Dios a diseña un matrimonio entre un homber y un muhe cu cierto habilidadnan pa nan por cumpli cu Dios su diseña. Dios kier multiplica su mes door di un matrimonio pa sigui procrea descendencia devoto, e idea ta pa nan procrea, pa nan yena e tera, pa domina, goberna y cuida e creacion di Dios y



esey ta bay bao di cierto reglanan,” el a enfatisa.

E pastoor a señala cu na e momentonan aki nan ta bezig cu e asunto di legalisacion di matrimonio pa parehanan di mesun sexo, pero ora cu bin cu otro tema, manera eutanasia, abortus, abuso di tur tipo, falta di educacion, kita e derechonan di mayornan pa lanta nan yiunan manera debe ser, entre otro, como iglesia di Dios nan ta sinti nan mes yama di parti di Dios pa sali afo y bisa algo.

Den e argumentonan ta bin pa dilanti cu e ta discriminacion si nenga e legalisacion di matrimonio pa parehanan di mesun sexo. Pastoor Daal a agrega cu no por papia di discriminacion pasobra, segun el a indica, nan no ta discriminando pasobra si e palabra di Dios ta bisa cu esey no por, e ora no tin cuestion di discriminacion. “For di eynan nos ta sali, y cu tur respet,” el a bisa.

El a menciona cu como iglesia ta importante tambe pa pueblo mira nan un tiki como un tata educando su yiunan. El a duna como ehemplo cu ora un tata ta wak su yiu ta cana den cierto tendencianan, sea ta links of rechts, luganan peligroso etc. e tata ta keda

orienta for di e luga di amor, educa su yiu y no bandon’e. Y for di nan punto di bista, como iglesia, nan tambe ta keda haci esey.

“Di nos parti esaki nunca ta bay stop, semper nos ta bay keda. Si e ley aki bay of bin, nos ta bay keda bin afo y spierta pueblo riba husticia y bisa nan hala for di e caminda di pica. Si bo kier duna Dios loke ta di Dios, esey ta e parti cu e ta pidi nos haci. E ta un mandato. Ta hopi lamentable di mira un sociedad cu a wordo lanta y beneficia door di Dios, aworaki ta bira lomba pa Dios. E poco bon cu t’ey ainda, ta Dios ta bendiciona nos cune,” el a enfatisa.



DI NOS E TA!



Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion
noticia@bondia.com

Pilar Flores (hefe di redaccion)
Angenette Figuereo (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta
sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.



Horcan Klas 5 a Yega: Prepara pa recesion sigui pa inflacion halto

E no ta duna mi como analista niun tiki placer pa skirbi over realidadnan cu lo afecta pueblo di Aruba y en berdad full mundo den un manera directo y bastante severo. Pero como ciudadano mi ta tuma mi tempo y usando mi recursonan sofistica manera e reportahenan di investigacion y hermentnan di mas miho, mi ta haci mi uiterst esfuerso pa adverti pa asina yuda Aruba. Un dicho den Hulandes ta cu "Goberna ta Wak Leu".

Jammer genoege niun pero niun di mi advertencianan of sugerencianan ta wordo tuma na serio. Awo un "Horcan" economico grandi ta den porta, cual mi a adverti asina hopi biaha caba di dje. E siguiente articulonan a wordo publica over e topico aki:

"Economia di Estados Unidos lo slow significamente: turismo pa baha na 2024" 1 December 2023.

"Analizando e problemanan mundial severo bao superfic" 7 Februari 2024.

"Mercadonan global di accion ta cerca di un 'top' strategico"

17 Februari 2024.
"Bitcoin NO ta Oro2.0: E ta un Bubble Speculativo di Tamaño Gigantesco" 1 Maart 2024.

Como analista nos ta wak indicacionnan hopi severo full rond mundo cu e Horcan economico ta den porta. Con ami si ta bin na e conclusion aki? Ban wak kico ta pasando:

China, e segundo economia di mas importante na mundo ta den "freefall".

Europa oficialmente ta den un recesion caba si nos wak den terminonan real ahusta pa inflacion.

Banconan "chikito" na Estados Unidos ta cayendo un tras di otro e delaster 16 lunanan cu a pasa.

Usando mercado financiero cu ta un bon guia a-politico di kico en ta pasando na nivel mundial nos ta wak prijs di Oro na nivel record den tur moneda grandi, incluso US Dollar, Euro, Australiano Dollar, Yen Hapones. Esaki pa mi ta e señal di mas duidelijk posibel cu un horcan economico grandi ta na porta. Pa wak prijs di Oro den US Dollar hisa 5% den 1 siman



Source: Tavi Costa, Bloomberg

ta e señal ultimo den mi bista.

Con e Horcan Economico lo Transpira? Prome recesion Severo sigui inflacion Halto Mes

Debi simplemente cu tin demasiado debe globalmente y cu interes hopi halto relativamente. Lo bin problemanan grandi den forma di banconan cu ta cay y te hasta hopi compania grandi bay failliet. Ora esaki pasa, hopi hende lo perde trabou y "sentimento" economico lo crash. Turismo como cu e ta un producto di luho ta algo cu hopi hende lo dicidi di laga un banda si un recesion economico tuma lugar.

Aruba lo sinti e sla economico frontalmente. Net awo cu banconan nan reservanan ta relativamente abou paso Banco Central di Aruba a baha e tasa di reserva rekeri tra'i otro e lunanan cu a pasa. Na Aruba hende lo perde trabou, y e pago di debe lo bay atras, cu lo cuminsa afecta e sistema bancario si e


bira severo genoege.

Na nivel internacional Banconan Central lo corta interes y cuminsa cumpra obligacion di debe nacional. Esaki lo yuda e situacion un poco pero lo causa un "Tsunami" di inflacion.

Esaki no ta straño of pesimistico di mas. Nos a wak e mesun cos transpira tanto biaha den historia monetario ora cu debe di un pais yega nivelnan demasiado halto. E unico diferencia ta cu e problema awo ta uno mundial mes.

E proteccion clasico contra inflacion ta oro fisico. Pero lo discuti esaki den un columna apart.

Un delaster nota: Ora e Horcan Economico echt dal, niun lider politico of lidernan di fondonan social y te hasta CAft por bisa cu "Nos no por a Premira Kico a Pasa". Mi tin pueblo di Aruba como mi testigo cu nos por a wak tur cos bin di leu.



Minister di Husticia a bishita KIA hunto cu Gobernador

Den cuadro di inversionnan cu a wordo haci recientemente

Minister di Husticia y Asuntonan Social, Sr. Rocco Tjon, hunto cu Gobernador di Aruba, Sr. Alfonso Boekhoudt, a haya un recorrido amplio di nos Instituto Coreccional di Aruba, pa por wak e diferente inversionnan cu a wordo haci recientemente.

Prome cu e recorrido a haya un presentacion amplio di e desaroyonan actual. Esunnan mas remarcabel ta cu dentro di poco lo bay traha cu personal fiho na e “jeugd afdeling” y tambe lo inicia cu e proyecto di cuidu forensico. Lo bay brinda mucho mas actividad na nos hobennan, esaki debi cu tin un “assessment” a wordo haci bao di tur e detenidonan y di e forma aki sa cua cursonan y opleidingen tin nan preferencia. Di e forma aki lo duna miho contenido na reintegracion y resocialisacion.

Un departamento cu recientemente a haya hopi atencion y inversion ta esun medico. Di e forma aki por cumpli cu rekisitonan y alabes mantene gastonan



abao, door di brinda e cuidu necesario. Tin diferente inversionnan infrastructural tambe tumando luga, pero e plan a largo plaso ta pa yega na un instituto nobo.

Miembronan di management team a duna un presentacion amplio di e avancen pa yega na e “project dossier” aki, cual Hulanda ta asistiendo nos cune. Un bishita hopi positivo y tin mucho mas inversionnan na caminda pa personal, proyectonan y infrastructural.



Minister di Finanzas a reuni cu Secretario di Estado Van Huffelen

Reunionnan andando pa yega na palabracion fiscal entre Hulanda y Aruba den prome kwartaal di 2024

Diaranson, Minister di Finanzas, Xiomara Maduro, hunto cu e profesionalnan di Departamento di Impuesto a reuni cu Secretario di Estado Sra. Alexandra van Huffelen pa asina duna un bista di e trabaonan cu ta wordo haci den cuadro di Landspakket riba e tereno fiscal na Aruba.

Durante e reunion a brinda un presentacion di e cambionan cu a wordo introduci pa por cumpli cu tema C di e Landspakket. Entre nan, a duna un bista di e implementacion di e Plan di Impuesto 2023 y e resultado te awo di e cambionan fiscal aki cu ta toca tema C1 di e Landspakket. A splica tambe riba e bon noticia cu Aruba ta riba e lista di cooperacion y transparencia fiscal di OECD cu ta toca tema C2 di e Landspakket. Fuera di esaki a indica cu ta trahando awo riba tema C3 y C4 di e Landspakket pa



fortifica e administracion y hisa e nivel di cumplimiento/compliance. Por ultimo a indica tambe cu reunionnan ta wordo hiba pa yega na un palabracion fiscal entre Hulanda y Aruba den e prome kwartaal di aña 2024 pa asina por cumpli tambe cu tema C5 di e Landspakket.

E reunion a bay den bon ambiente na unda cu Minister Maduro y e profesionalnan di DIMP a tuma tempo pa asina por a contesta tur pre-

gunta y brinda mas informacion pa asina e Secretario di Estado Hulandes por ta miho informa di e trabaonan riba e tereno fiscal na Aruba.

Minister Maduro ta gradici Sra. Van Huffelen pa su bishita y e cooperacion di Hulanda pa yuda na fortifica DIMP. E mandatario ta gradici tambe e equipo di DIMP pa e gran trabao cu ta wordo haci pa Aruba por conta cu un sistema fiscal cu ta traha na bienestar di nos Pais.



Exitoso congreso di riñon na beneficio di e pashentnan

Tabata mas o menos 11 aña pasa cu a tuma luga e ultimo congreso di nefrologia riba nos isla. A pone man hunto atrobe y e aña aki ONA (Organisacion di Nefrologonan Aruba) a tene un congreso grandi di nivel halto pa tres dia di diferente orador local y internacional.

Un congreso interactivo y sumamente importante mirando e desaroyonan riba tereno di nefrologia y e balor agrega pa keda na altura pa brinda cuida di calidad na pashentnan. “Tabatin hopi informacion interesante danki na e diferente oradornan. Ademas, participantenan por a haci pregunta y oradornan a trece diferente ‘caso di pashent’ pa dilanti cu por a discuti. Mi ta hopi orguyoso di ful e team cu a logra organisa e congreso aki di un nivel di kita sombre,” asina Jacco Vroegop, director di Horacio Oduber Hospital (HOH) a expresa.

Topiconan interesante E organisacion ONA ta conta cu diferente especialista nefrologo di HOH como tambe di Instituto Medico San Nicolas (ImSan) esta presidente Mauro Cuba, secretaria Hardjit Kharagjitsing y miembronan Agustin Garcia Sanz, Ali Garcia Marquez, Maria Vargas y Romeo Kock. Hunto nan tabata encarga pa trece oradornan cu a papia riba diferente topico interesante. A logra trece dies orador internacional pe congreso y uno cu a duna su presentacion di forma virtual. A intercambia diferente informacion tocante di riñon entre otro: presion, importancia di uza data, biopsie, transplante



di riñon, diferente malesa cronico di riñon, tratamiento, prevencion y tambe diagnostica pa detecta malesa di riñon na tempo.

Binti aña di transplante di riñon Ademas di tur e topiconan ya caba menciona e specialistanan a dedica extra atencion

na e topico di transplante di riñon. Ta conmemora cu 20 aña pasa a tuma luga e prome transplante di riñon pa un pashent Arubiano den exterior. Pues un bunita momento pa corda riba tur esfuersonan haci pa realisa e oportunidad cu esaki a trece pa pashentnan di Aruba. Durante e ultimo añanan a sigui desaroya

e proceso y a yuda mas pashent. Durante e congreso a lansa video unda algun pashent cu riñon nobo ta expresa nan storia y nan gratitud. Alabes a tuma un momento durante e congreso pa gradici y reconoce e dedicacion di dokter Romeo Kock pa e 20 aña di dedicacion cu'n bunita plakkaat. “Mi ta hopi orguy-

oso di mi team di nefrologia y dialisis cu e logro bunita aki, y specialmente dokter Kock pa su pasion pe trabou”, Jacco Vroegop ta expresa.

Cooperacion y evaluacion Joel Rajnherc, director di ImSan, a felicita ONA pa e tremendo congreso organisa despues di hopi aña. Rajnherc a expresa cu cualkier congreso di e nivel aki, cu presencianan di oradornan experto mundialmente reconoci, ta duna un specialista y otro participante local e oportunidad di evalua unda nan ta para den terapia pe pashentnan di Aruba. Comparti informacion, conocemento y experiencianan ta di inmenso balor den cuida medico. Ta importante pa remarca con un cooperacion entre ambos instituto ta duna su fruto na bienestar di e pashentnan. Joel Rajnherc a comenta cu den Caribe e problemanan di riñon ta hopi grandi. Aruba hasta ta den e top 10 di mundo y esaki no ta algo bon, pasobra ta algo cu por wordo evita. Pues, un congreso asina aki ta esencial pa nos isla pa mehora e cuida pa nos pashentnan y alabes enfatisa e importancia di prevencion.

Un gradicimento ta bay na tur sponsor local y internacional pa haci e congreso aki realidad. Gratitud tambe ta bay na tur orador, team di ONA y team completo pa e trabou duro pa por a logra haci e congreso aki posibel. E congreso ta un tremendo ehempel di colaboracion medico entre HOH y ImSan. Sin un colaboracion extensivo e congreso lo no tabata uno asina fructifero.



SER ta duna conseho urgente pa implementacion di registro UBO na Corsou

Riba peticion di minister di Finanzas, Sr. mr. drs. Javier Sylvania, Consejo Social y Economico (SER) a emiti un conseho urgente riba e proyecto pa cu un decreto nacional pa implementa registro UBO na Corsou. E registro aki, cu ta uno crucial den e lucha contra crimen financiero y economico, tin como meta pa aumenta transparencia door di identifica y registra e doñonan (UBOs) cu tin beneficio economico di entidadnan huridico y similar riba e isla.

E conseho aki ta resultado di un decision di Consejo

di Minister di luna pasa, motiva parcialmente door di e revision cu lo bay tin di Caribbean Financial Action Task Force (CFATF) proximo juni. E momento pa asesora e conseho aki ta uno critico, ya cu internacionalmente tin e urgencia y e necesidad pa mehora proceduranan cu precaucion na Corsou.

E proposicion ta enfoca riba facilita autoridnan competente, manera Ministerio Publico, Banco Central di Corsou y Sint Maarten (CBCS), Unidad di Inteligencia Financiero di Corsou (FIU) y Inspector di Impuesto, pa investiga labamento di placa y

financiamiento di terorismo di un manera eficaz. E registro UBO ta garantia pa un fundeshi, alabes un ambiente di negoshi mas sigur y transparente, cu un enfoque balansa riba apertura y proteccion di privacidad. Camara di Comercio y Industria (KvK) lo ta asigna pa maneha e registro, debi na su infraestructura existente y experticio cu e registro di comercio.

Implementacion di e registro UBO ta ser impulsa pa obligacionnan legal nacional (manera por ehempel un contract) tanto e necesidad urgente pa cumpli



cu recomendacionnan di FATF. FATF, un organisacion intergubernamental lider den e lucha pa combati labamento di placa y financiamiento di terorismo, ta exige cu su paisnan miembro, incluso Reino Hulandes, incorpor'e estrictamente den su normanan.

Corsou, como miembro di

CFATF, tin e responsabilidad pa cu implementacion di e normanan internacional aki. CFATF ta sigura revision cu regularidad pa garantiza efectividad y eficiencia di e sistema implementa, caminda no cumpli cu esaki por tin consecucionnan huridico significante.

“Corupcion y supervision fracasa di waf na Corsou ta hacie un base ideal pa traficacion di droga”

(CuraçaoChronicle) – Waf di Corsou cada bes mas ta keda scogi pa cartelnan internacional di droga como un punto di salida pa manda cantidadnan grandi di cocaina pa Hulanda y otro destinacionnan Europeo. Esaki ta conclui pa revista maritimo Hulandes, De Schuttevaer, basa riba casonan recien den corte na Willemstad. Recientemente, nuebe sospechoso di traficacion di droga a gran escala a ricibi nan huicio eynan.

Segun Team Conhunto di Investigacion (RST), autoridnan a desenmascara un red bon organisa di actividad criminal, cu implicacionnan significante pa seguridad y integridad di e facilidadnan di waf riba e isla. E sospechosonan ta acusa di



a usa personal corrupto di waf pa pone cocaina den containernan destina pa Europa. E balor riba caya di e droga intercepta ta calcula na un minimo di 200 milyon florin. Ministerio Publico (OM) a exige sentencia di prison variando di 5 pa 15 aña contra e individuonan involucra, dependiendo di nan rol den e operacion.

Un factor importante cu ta haci Corsou atractivo pa actividadnan criminal asina ta e falta di vigilancia maritimo.

Pa casi un aña caba, ward-acosta no a stacion un barco di patruya riba e isla, permitiendone cartelnan di droga cu boto ‘go-fast’ opera casi sin obstaculo.

Autoridnan politico Hulandes na Den Haag a indica cu e situacion aki mester cambia pronto. Ta spera cu ta bay manda un barco di patruya back na e region pa patruya Lama Caribe na april of mey, pa pone un stop na traficacion di droga.

Programa di Corsou pa reforsa colaboracion cu 25 pais

(CuraçaoChronicle) – Un programa yama ‘The Ambassador Edition of the Curaçao Experience’ a cuminsa dialuna, cu meta pa explora colaboracion entre Corsou y otro pais.

Embhadornan di mas di 25 pais a biaha pa Corsou pa e programa. Segun prome minister Gilmar Pisas, e programa ta ofrece un oportunidad unico pa reforsa e relacion entre Corsou y e paisnan

participante.

Pisas a duna un discurso di apertura den auditorio di Banco Central di Corsou y Sint Maarten. Despues, e embhadornan a bishita ‘e campo’ y a ricibi un tour di sitio manera e parke di molina di biento, Curaçao Refinery Utilities na Bullenbaai, y Refineria di Corsou.

Embhadornan di Surnam, Bolivia, Panama, Republica

Dominicana, Costa Rica, Brazil, Peru, Argentina, El Salvador, Uruguay, Colombia, y Chile ta atendiendo e programa. Delegacionnan di Canada, Francia, Italia, Suisa, Belgica, Malta, Slovenia, Kazakhstan, Moldova, Nigeria y India tambe ta presente.

‘The Ambassador Edition of the Curaçao Experience’ ta tumando lugar pa prome biaha na Corsou e aña aki.



EXECUTORIALE VERKOOP

Ten overstaan van notaris mr. Chamila Agnella Tromp of haar waarnemer zal op **vrijdag 3 mei 2024 om 10:00 uur 's-morgens in het Auditorium van de Kamer van Koophandel te Aruba** aan de J.E. Irausquin Boulevard 10, Oranjestad, Aruba, in één zitting bij opbod en afslag in het openbaar worden verkocht, ex artikel 3:268 van het Burgerlijk Wetboek van Aruba:

1. **PONTON 70-L**
een woonhuis met verder toebehoren staande op een perceel eigendomsgrond groot 402 m2 gelegen te Ponton in Aruba, kadastraal bekend als Eerste Afdeling Sectie L nummer 4181

richtprijs: **Afl. 235.000,00**

2. **MISSOURISTRAAT 2**
een woonhuis met verder toebehoren staande op een perceel eigendomsgrond groot 204 m2 gelegen aan de Missouristraat te San Nicolas in Aruba, zoals nader omschreven in kadastrale rooibrief nummer 25 d.d. 3 juni 1987

richtprijs: **Afl. 80.000,00**

Een onherroepelijk en onvoorwaardelijk onderhands bod kan worden uitgebracht tot uiterlijk donderdag 18 april 2024 ten kantore van Newleaf Notary, J.E. Irausquin Boulevard 22 te Aruba, of via email: auction@newleafaruba.com verkrijgbaar.

Iedereieder is gehouden, zowel bij het uitbrengen van een onderhands bod als op de veiling zelf, zich te legitimeren met een geldig paspoort of ID en middels een bereidheidsverklaring, een bankgarantie of andere vorm van zekerheid aan te tonen aan de Executant in staat te zijn tot nakoming van zijn bod en de bijkomende kosten.

De Executant behoudt zich het recht voor de executieveiling uit te stellen dan wel op te houden zonder daarvoor de reden te noemen.

Op de veiling zijn van toepassing de Algemene Veilingvoorwaarden voor Executieveilingen (AVVE) en de Bijzondere Veilingvoorwaarden zoals vastgesteld door notaris mr. Chamila Agnella Tromp.

Voor vragen of meer informatie kunt u een email sturen naar auction@newleafaruba.com of de volgende website bezoeken:

www.newleafaruba.com

Awo cu 2 florin mas, bo por gana e **MEGA PLUS**

***Afl. 390.000,-**

***Afl. 290.000,- + Afl. 100.000,- extra**

Benta ta sera 7:30 pm y sorteo ta hunga 7:45 pm

HUNGA AWO

LoTo

A tira obheto na candela riba embahada Israeli na Den Haag, resultando den un aresto

(NLTimes) – Polis na Den Haag a bisa cu a aresta un persona rapidamente despues cu a tira un “obheto na candela” riba embahada Israeli. E incidente a tuma lugar alrededor di 10:50am ayera, y e aresto a keda anuncia como 90 minuut despues.

Polis tabata investigando si e obheto tabata un Molotov cocktail, bisando cu e articulo a parce di dal e edificio.

“Nos ta investigando, y tin un area grandi cera rond di e embahada,” polis a bisa.

No tabatin ningun herido. No tabata inmediatamente cla si polis tabata buscando pa mas sospechoso.

“Ta inaceptable cu un atake asina por tuma lugar na Hulanda,” e embahada a skirbi den un declaracion. “Esaki ta proba e consecucionan peligroso di e tendencia preocupante di aumento di odio y incitacion. E odio aki no por keda tolera.”



“Afortunadamente, no a reporta ningun herido, pero esaki ta otro stap den un escala deslizante di odio y violencia contra estado Hudiu,” segun grupo di asunto Hudiu y Israeli, CIDI. Lider di e organizacion, Naomi Mestrum, a bisa cu tabata excesivo pa muestra oposicion contra politica Israeli door di ataca violentamente su misionnan diplomatico. “Mi ta kere cu ta un desaroyo completamente espantoso cu violencia aki na Hulanda ta tumando forman asina cu un embahada

ta ser ataca,” el a bisa ANP. “E hendenan aki ta djis haciendo nan trabao, nan no ta principalmente responsable pa loke ta sucede.”

E embahada a haci un yamado riba polis Hulandes y servicionan di investigacion pa reforsa esfuersonan di seguridad. “Nos ta confia cu autoridadnan ta bay tuma tur medida posible pa preveni atakenan asina.”

Luna pasa, e municipalidad di Den Haag a implementa

seguridad adicional rond di e embahada riba Johan de Wittlaan pa motibo di un menasa. Esaki a keda escala na un decreto di emergencia algun dia despues, loke ta nifica cu polis por a stop y listra hende den e area, entre otro. E medidanan di seguridad expandi a continua pa varios siman, pero a keda relaha anteriormente e luna aki.

E incidente ayera probablemente ta vincula na e situacion na Gaza, unda Israel ta realisando un operacion mili-

tar contra Hamas despues di e atake di dia 7 di october. Ministerio di Salud Palestino, controla pa Hamas, ta indica cu atakenan Israeli a mata al menos 31,819 Palestino desde comienso di e operacion Israeli. E guerra a cuminsa despues di atakenan terrorista di Hamas cu a mata alrededor di 1,139 persona na Israel y a tuma centenares como rehen.

E guerra a causa tension na Hulanda. Anteriormente e siman aki, un grupo activista a susha cu verf cora e edificio di Ministerio di Asunto Exterior riba Rijnstraat na Den Haag den un protesta pro-Palestina. Diadomingo, manifestantenan a pone miles di sapato di mucha riba e Vredenburgplein na Utrecht pa haa atencion na e muchanan Palestino cu a perde nan vida na Gaza desde inicio di e guerra.

Potret di NOS.

Ronda nobo di formacion di gabinete ta enfoca prome riba finanzas di gobierno, no proximo Prome Minister

(NLTimes) – E dos persona nombra pa lidera e ronda nobo di negociacion di formacion di gabinete Hulandes a bisa cu nan ta cuminsando cu enfoca riba finanzas di gobierno. E partidonan den negociacion eventualmente lo discuti ken mester bira e prome minister di un gabinete nobo durante e ronda aki. Pero e cuestion aki ainda no lo ta riba mesa den e “prome simannan”, segun Richard van Zwol, kende ta liderando e negociacionnan cu Elbert Dijkgraaf, a bisa.

Nan dos tambe a bisa cu nan kier pa e ronda aki ta mas transparente y genera mas confiansa den e proceso politico.

Estado di e tesoro ta e asunto



critico na e momento aki, nan a bisa. Durante campaña di eleccion herfst ultimo, tres di e acuerdo partido den negociacion pa forma un gabinete – PVV, NSC y BBB – no a entrega nan propuesta pa ricibi puntuacion di analistanan di presupuesto y finanzas. No tin direccion cla tocante con nan tin intencion pa paga pa nan plan, y e propuestanan di PVV a keda considera pa ta particularmente caro.

E di cuatro partido, VVD, a propone recorte di 10 bion euro den presupuesto, pero cu un impacto reduci riba desempleo.

Van Zwol y Dijkgraaf a invita minister encarga di Finanzas, Steven van Weyenberg pa un combersacion tocante e Memorandum di Spring, e actualizacion anual di e gabinete riba e presupuesto nacional. Esaki mester keda en-

trega na Parlamento na juni, pero por yega lo mas trempan na april. E tema di e discusion ta bay ta “chefsache”, Van Zwol a bisa, usando e palabra Aleman cu a bira mas comun den politica Hulandes pa nifica e asuntonan cu mester dicidi na e nivel di mas halto.

Su entusiasmo pa e tema no ta un sorpresa. Van Zwol a presenta e critica di Raad van State riba e Memorandum di Spring aña pasa, implorando e gabinete pa enfrente e hechonan tocante e estado actual di asunto, stop di aumenta e deficit nacional, y reserva mas finanzas pa crisis den futuro.

“Boso sa: finanzas ta un topico mayor y importante na mesa di formacion,” Dijkgraaf a bisa. Esaki no ta nifica cu e partidonan involucra

por solamente discuti otro topiconan unbes cu yega na un acuerdo riba finanzas. Despues di un combersacion inicial cu nan, lider di NSC, Pieter Omtzigt a indica cu e tin speransa cu lo yega na un acuerdo riba e marco financiero, ya cu esaki tin impacto riba tur otro plan.

Omtzigt a retira di negociacionnan e ronda prome cu e ultimo pa motibo di obstaculonan potencial cu e ministerionan a identifica ora a pidi nan pa entrega preocupacion na e cuatro lider di partido. Atende cu tesoro pa e motibo aki ta bay ta “un parti mayor di e trabao,” Dijkgraaf a pronostica. Un gabinete nobo mester haya 17 bion euro a largo plaso, sea door di recorte of door di aumenta impuesto, varios oficial a bisa.

A duna orden pa basha abao hotel di 40 miyon dollar na Peru pa destruccion di patrimonio pre-hispanico

(LaRepublica) – Hotel Sheraton, cu un balor di 40 miyon dollar, mester basha abao a traves di municipalidad di Cusco, ken hunto cu Direccion Desconcentrada di Cultura Cusco, lo mester asumi e costo di e destruccion di infraestructura y pone e muraya Inca back.

Un husgado di Corte Superior di Husticia di Cusco, Peru, a ordena cu den un plaso di 30 di habil, Direccion Desconcentrada di Cultura (DCC) di Cusco lo mester realiza un rapport tecnico pa basha abao e hotel Sheraton, un infraestructura ubica na caya Saphy. E documento tambe mester inclui e restitution di murayanan pre-hispanico cu a destrui ora a cuminsa cu e obranan, cu te awor ta paralisada y valorisa pa 40 miyon dollar.

E resolucion hudicial ta exigina DDC Cusco y Municipalidad Provincial asumi e gastonan pa basha e hotel abao y pa realiza un otro muraya pre-hispanico Inca e cual a destrui durante e construccion di edificio, cu tambe ta viola e parametro urbanistico di Centro Historico di e Ciu-



dad Imperial.

Karen Rojas, procurador di MPC, a informa cu di acuerdo na e resolucion hudicial 143, emiti 4 di maart ultimo, un bes realiza y presenta e rapport di DDC Cusco, ta bay realiza e proceso di demolicion, “nos ta wardando e rapport cu mester contempla aspectonan tecnico, di presupuesto y con ta bay basha e

hotel abao, pa nos por pone di acuerdo cu DDC,” el a bisa.

Tambe el a recorda cu Municipalidad Provincial di Cusco ta comprometi cu e sentencia hudicial, ya cu a otorga e certificado di datonan pa e edificio di infraestructura hotelero na cargo di e compania constructor R&G, cu na aña 2015, a destrui e murayanan

di epoca Inca pa haci un estructura imponente di Hotel Sheraton.

Representante di Comision di Huristanan di Cusco, Tika Luizar, a considera cu e disposicion di husgado lo a mester aplica den un menor plaso; sinembargo, a sostene cu e medida reciente ta un bon señal cu ta muestra cu Poder Hudicial ta pone un

precedente den relacion cu loke ta trata destruccion di patrimonio.

Di su parti, DDC Cusco, te e fecha no a haci un pronunciacion al respecto, y e plaso a cuminsa for di 4 di maart. E hotel Sheraton cu ta dispone di nuebe nivel, (7 piso y dos kelder) ta surpasa e caracteristicanan di Plan Maestro di Centro Historico di Cusco, declara patrimonio cultural di humanidad pa Unesco, y su condicion ta bao riesgo.

Tres cas tabata forma parti di Patrimonio Cultural di Nacion, nan tabata casnan di adobe y den nan interior, segun rapport di Contraloria y di DDC, tabatin tres muraya di epoca Inca, elementonan colonial.

Na januari 2011, ora a cuminsa e construccion, compania R&G SAC a kita e murayanan sin percura cu tabata un patrimonio intangible. Na 2017, Contraloria a determina cu evidencianan di epoca Inca y colonial a ser destrui, pa loke e dañonan “ta irreversible.”

Mexico ta insisti cu lo no acepta migrantenan deporta for di Texas

(DW) – “Mi ta bay bis’e un biaha so, nos no ta bay acepta deportacionnan di Gobierno di Texas.” Esaki ta e palabranan di presidente di Mexico, Andres Manuel Lopez Obrador diaranson ultimo pa loke ta trata e “ley draconiana” SB4, cu diamars tabata vigente pa un par di oranan memey di fayonan hudicial.

“Si nan tabata pretende deporta, por ehemplo, algo cu no ta coresponde na nan, nos no ta bay acepta deportacion, mi ta bis’e di biaha, Gobierno di Texas y nos no ta bay keda cu brasa crusa,” e mandatario a manifesta den un conferencia di prensa. E gobernante Mexicano a referi na ley SB4, un di e medidanan anti-inmigrante mas drastico den historia di Merca, cu lo bira como delito ora un stranhero lo drenta Texas di forma iregular, cu 20 aña di prison, ademas cu ta duna facultad na forsa estatal pa detene migrantenan y deporta nan. Secretaria General di Exterior ya caba a manda un co-



municado diamars ultimo criticando e medida, e cual tambe cas Blanco a rechasa, su aplicacion a cuminsa cu un caos diamars ultimo, ora Corte Supremo di Merca a desbloquea e aplicacion di e ley prome cu scucha e argumentonan, pero den oranan di anochi tribunal di apelacion di circuito cinco a suspende su implementacion.

Lopez Obrador a afirma cu Gobierno estatal di Texas no tin facultadnan pa aplica ley-

nan cu ta causa impacto den Gobierno Federal di Mexico.

Aunke el a bisa cu no kier “adelanta” e medidanan cu lo tuma den Gobierno di Mexico si lo aplica e legislacion aki, el a manifesta su opinion contra dje, manera a hacie for di prome momento. “Claro, cu nos ta contra e ley draconiano aki, completamente contrario na derechonan humano, un ley cu no tin humanidad, anti-cristiano, inhumano, violador di normanan, di convivencia

humano, etc.,” el a contesta ademas cu nan promotor, “ta bay misa” pero nan ta “lubida di amor na nan prohimo.”

Mexico tin e red consular mas grandi na otro pais di mundo, un herment cu a yuda cu e origen di discursonan anti-mexicano den bispo di eleccion presidencial Mericano na november proximo.

Secretaria di Relacionnan Exterior, Alicia Barcena, a reconoce cu e desaroyonan

hudicial ta “hopi contradictorio” y cu e antidoto pa esaki tabata pa insisti den strategia di movilidad humano cu Gobierno di Joe Biden y Lopez Obrador ta haci impulso di dje, e norma a provoca temor y incertidumbre entre e personanan cu ta den transito y esnan cu ta reuni na frontera entre Texas y Mexico, e cual tin 2.000 kilometer for di e Golfo di Mexico te Ciudad Juarez.

Diaz-Canel ta compara e protestanan na Cuba cu esnan di otro pais



(CiberCuba) – Gobernante Miguel Diaz-Canel a purba kita importancia na e protestanan di diadomingo ultimo na varios region di e isla, comparando nan cu e protesta di otro nacionnan y a puntra “pakico nan ta importa asina hopi?”

Den un analisis incoherente dilanti e prensa acredita na

e pais y representantenan di varios pais cu a asisti na e III Coloquio Internacional Patria cu ta tuma luga na La Habana, e mandatario a puntra: “Bisa mi si diadomingo na otro partinan di mundo no tabatin cosnan pio ta pasa, pasobra esunnan di Cuba ta asina singular, pakico nan ta interesa asina hopi?”

Despues di culpa Merca di e

crisis na e isla, el a agrega cu e manifestacionnan na e isla “a wordo solucionna papiando cu e poblacion di parti di su lidernan. Na mundo con nan ta resolve esaki?, cu repression y brutalidad policial,” el a afirma referiendo na e protestanan di añanan pasa na Merca y Chile y nengando e encarcelamento di varios persona cu a keda deteni pa protesta na Santiago de Cuba.

“E ora e cosnan ey no ta den e narrativa mediatico,” Diaz-Canel a comenta, como si fuera cu e protestanan na e paisnan ey no a ser reporta pa prensa internacional.

Tambe den un entrevista cu NBC News, memey di protestanan andando pa e escasez na Cuba, el a acusa Merca di tacticanan intervencionista y di muestra desprecio pa e revolucion Cubano.

El a bisa tambe cu e embargo Mericano tabata e causa fundamental di e escasez grave di alimento y energia na e isla, loke a provoca protestanan general den e fin di siman cu a pasa unda Cubanonan a desafia abiertamente e regimen, cu demandanan di electricidad, cuminda y libertad.

Dialuna e gobernante a duna como finalisa e protestanan cu tabatin su origen na un bario di Santiago di Cuba, unda algun bisina a sali manifesta nan descontento ariba e cayananan di e bario.

“E grupo di e malvadonan tabata kier a sali ayera pa baila cu e dolor di e Cubanonan. Politiconan mediocre y teroristanan ariba rednan, a aline for di e Sur di Florida, pa keinta e cayananan di Cuba cu mensahenan descarado y convocatorio na caos. Nan a keda cu gana,” el a bisa ariba su rednan social.

Oranan despues di e explosion, Diaz-Canel tabata declara cu “varios persona a expresa nan inconformidad cu e situacion di e servicio electrico y e distribucion di alimento, den e contexto aki enemigonan di e revolucion ta purba probecha, cu metanan di desestabilisacion.”

Sin embargo, a pesar di e urgencia gubernamental pa considera extinto e enfoko di protesta na Cuba, varios reportahe ariba rednan social a indica cu e manifestacionnan di protesta na Santiago de Cuba a keda activo pa existi e liberacion di e Cubanonan deteni durante e fin di siman.

Puerto Rico: EPA y Genera PR ta negocia acuerdo pa mitiga impacto ambiental di uso di generator di emergencia

(ElNuevoDia) – Agencia Federal di Proteccion Ambiental (EPA) a rekeri na Genera PR cu, mientras nan ta usa e 14 generator di emergencia recientemente adkiri pa e Autoridad di Energia Electrico (AEE), pa hiba negociacionnan dirigi pa logra un acuerdo di consentimiento cu lo percura pa mitiga e emisionnan contaminante di e unidadnan y tramita tambe un permiso di prevencion di deterioro significativo.

Den un carta, na cual El Nuevo Dia tabatin acceso, EPA a notifica na Genera PR, AEE, e Oficina Central di Recuperacion, Reconstruccion y Resiliencia, y e Autoridad pa Alianzanan Publico Priva cu nan no ta bay emiti un garantia di no accion pa e traspaso di e generator na e corporacion publico, cu a ser realiza dia 15 di maart despues di lunas di negociacionnan entre e gobierno estatal, e Agencia Federal pa e Maneho di Emergencia y New Fortress Energy (NFE), doño di e ekipo.

“No ta necesario ni apropiar cu EPA ta entrega un garantia di no accion den e situacion aki. Na su luga, e vehiculo cu cual e partinan ta trahando pa atende e potencial incumplimento ta e acuerdo di consentimiento na cual nos ta haci referencia,” Mary Greene a skirbi, directora di e Division di Cumplimento di Aire di EPA, den e carta cu fecha di 15 di maart.

“Cu relacion na e decreto di consentimiento, EPA/Departamento di Husticia y Genera a cuminsa negociacionnan y ambos parti ta prepara pa traha di bon fe pa alcanza un acuerdo. E partinan ta preparando e terminonnan di contract proponi y ta warda pa intercambia nan proximamente,” Greene a agrega.

E acuerdonan di consentimiento, si nan a wordo verifica pa e Tribunal Federal, ta obliga e partinan ehecuta medidanan determina dirigi na cumpli cu e regulacionnan ambiental of mitiga e dañonan di algun actividad necesario pa e interes publico.



E transaccion y extension di e uso di e generator di emergencia, ubica na Palo Seco y San Juan, desde zomer 2023, y cu aworaki ta bay ta disponible te cu 31 di december di 2025, a ricibi criticanan fuerte di organizacionnan ambientalista, cu a adverti di su efectonan ariba e calidad di aire, na mesun momento cuestionando e motibonan di NFE y su subsidiario Genera PR. E generator, conforma cu

e autorisacion di e gobierno federal, por produci te cu 250 megawatts.

E organizacion Earthjustice a skirbi, dia 6 di maart ultimo, na e oficianan di e inspector general di EPA y e Departamento di Husticia di Merca, solicitando pa habri un investigacion alrededor di e transaccion cu a keda concretisa algun dia despues y e presunto inaccion di e agencia ambiental.

“E accionnan di EPA ta contrario na e Ley di Aire Limpi pasobra como operador di e unidadnan ey, Genera PR, un subsidiario di NFE, a admiti cu e generatorman aki cu ta kima methaan ta fuentenan grandi di contaminacion,” Earthjustice a plantia, subrayando cu EPA no a rekeri permiso ni medidanan pa limita emisionnan.

Aruba Innovation Summit 2024: Fomentando Evolucion den Lugar di Trabou Patrocina pa Aruba Bank



Aruba Innovation Summit 2024, cu orguyo a wordo patrocina pa Aruba Bank. Esaki ta e di cuater edicion y a tuma lugar riba 20 di maart, 2024, organisa pa Futura. Durante e ultimo tres aña, e summit a bira sumamente popular entre profesionalnan, empresarionan, studiantenan, y individuonan, cu ta estableciendo nan mes como

un plataforma vital pa inovacion den comunidad Arubano.

Bou e tema 'Evolucion: Integracion di AI & Empoderando ekiponan na trabou,' e summit di e aña aki a trata topiconan critico manera navega conflicto na trabou, maneho di desacuerdo den diferente ambiente di trabou, fomentando luchanan den ekiponan, y

e implementacion di AI pa crecemento y fomentacion. Participantenan tabata tin e oportunidad pa envolvi nan mes den diferente discusionnan y presentacionnan cu por duna un guia na contribucionnan impactante den nan respectivo area di trabou.

Como e banco exclusivo, Aruba Bank ta comprometi na fomenta innovacion y fomenta

individuonan y negoshinan den nos comunidad.

E summit a presenta un lineup impresionante di oradornan local y internacional, incluyendo e famoso autor Amy Gallo y nos propio colega Marlon Kock, ken a uni na e discusion di panel tocante "Evolucion di Liderazgo den un Ambiente di trabou mancha pa AI." Marlon Kock, Lider di Team, na

Aruba Bank, a trece vision nan balioso den e cambio di panorama di liderazgo den e era di inteligencia artificial.

Nos ta orguyoso di a colabora un biaha mas cu Futura. Hunto, nos meta ta pa inspira un compromiso colectivo pa inclui AI, sigurando cu solucionnan innovativo por beneficia individuonan, negoshinan, y comunidad henter.

Gamma IT Solutions ta felicita Futura pa e exitoso Aruba Innovation Summit 2024

Gamma IT Solutions ta manda palabra di pabien na Futura cu nan exitoso evento Aruba Innovation Summit 2024.

E summit cu a trece dilanti e topico di 'Evolve, integration of AI (Artificial Intelligence) in the workplace and em-

powering teams' tabata conta cu un sala full yen na Renaissance Convention Center.

Tabata tin temanan sumamente interesante unda profesionalnan a discuti y explora e potencial cu AI tin den e sitio di trabou, mientras tambe ta enfoca riba e potencial di fortificacion di ekiponan.

Teiry Croes di Gamma IT Solutions ta comparti "Nos ta contento di por ta un di e sponsors pa e evento, nos ekipo a disfruta completamente di e experiencia aki. Gamma IT Solutions ta apoya tur esfuerzo pa promove e avancen tecnologico riba nos isla."



*Universidad di Aruba a celebra
18 di maart:*

Dia di Himno y Bandera cu homenahe na "Nos Patrimonio"

Na honor di e 35 aniversario di Universidad di Aruba y Dia di Himno y Bandera, e porta nan di Universidad di Aruba a habri pa comunidad di Aruba. Esaki tawata e prome biaha cu Universidad di Aruba a celebra e dia di fiesta nacional, 18 di maart, na e forma aki.



cultura, diversidad, y e spirito vibrante di nos comunidad na Universidad di Aruba. Esaki tawata e vision tras di e actividad aki y por ta satisfecho cu a logra.

Un pabien y danki na e comision organisador di e evento aki y boluntarionan cu a percura pa pone un evento espectacular den otro pa ilustra na un manera unico cu Universidad di Aruba ta di Aruba, y di nos tur.

Universidad di Aruba, a yama bon bini na entre otro esnan cu a forma parti di "Nos Patrimonio" den e ultimo 35 aña como estudiante of graduado, pero tambe personanan cu semper a admira e edificio historico. Durante e dia, bishitantenan a disfruta di actividadnan manera exhibicion di UA su coleccion di arte, pintura di arte bibo cu artistanan local, musica, cuminda crioyo, bebida, entretenimento pa tur hende y mucho mas. Por a ricibi diferente tour di e campus pa admira entre otro, e jardin nan espectacular di UA. Dia di Himno y Bandera ta un ocasion special unda nos por uni nos mes pa celebra nos

Un danki di curason na tur nos sponsornan cu a haci e evento aki posibel, Setar NV, Tropical Bottling Company, Aruba Tourism Authority, Aruba Airport Authority, Caribbean Mercantile Bank, De Palm NV, RAYO, BDO y Comision Celebracion Dianan Nacional.

CAREER SPOTLIGHT BY AHATA

THEN

1996
HR Clerk & Recreation Health Club / Kids Club Attendant
Hyatt Regency Aruba Resort & Casino

NOW

2014 - Present
Complex Director of Human Resources
Marriott Aruba Resorts

RUTHLINE THEYSEN

amc unicon

Sunrise City Sale

FRIDAY
MARCH 22ND
9AM-6PM


SATURDAY
MARCH 23RD
9AM-6PM

UP TO
80% OFF

ON SELECTED ITEMS

15% OFF ON CREDIT UP TO
36 MONTHS

0% DOWN
PAYMENT



AT AMC UNICON SAN NICOLAS



Candela di mondi basta grandi tabata menasa casnan na Fuerte

Diahuebs mainta a drenta informe di cu tin un candela grandi menasando varios cas na Fuerte, mesora a dirigi bomberonan na e sitio.

Na yegada di bombero a wak cu e candela ta cubri un area basta grandi y tabata menasando e casnan cerca. P'esey a pidi refuerso di un tankwagen pa asina yuda combati e candela. Despues di un combate fuerte y directo a logra domina e candela y paga esaki completamente.



Patruxa casi envolvi den un accidente durante pustamento di auto

Diahuebs madruga un di e patruxanan cu ta cuida costa a hera hay'e den un accidente riba e caminda di Mahuma ora cu un di e 2 autonan cu tabata pustando a purba "fishtail" e patruxa.

Mesora a purba bay su tras pero debi na e velocidad a bay laga nan sin por a mira nan mas. Polisnan a para un auto sospechoso pero esey no tabata t'e. Polis tin datos di un di e autonan y a avisa otro patruxanan riba caya pa tira bista p'e auto ey.



Polis a para un chauffeur coriendo malo bao influencia

Diaranson anochi un patruxa atento a para un chauffeur coriendo malo riba caminda mesora a test e chauffeur y esaki a surpasa e limite permiti y polis a detene.

Revisando e auto a nota cu esaki tin un sla fresco riba dje y a confisca e auto pa mas investigacion unda lo saca afo unda e lo a accidenta.



Jeep Cherokee a subi crusada dal un motociclista na crusada Morgenster


Diaranson anochi a drenta informe di un accidente cu hende herida na e crusada di Morgenster, mesora a dirigi tanto polis como ambulance na e sitio.

Na yegada di e patruxa a bin compronde cu aki ta trata di un accidente unda cu e chauffeur di e Jeep biniendo for di Meiveld no a mira e scooter ta bin for di Hooiberg y a subi caminda y a dal e

motociclista bent'e abao y a resulta herida. Na yegada di e ambulance nan a atende e motociclista levemente herida na e sitio mes.



Polis a detene muhe cu a hinca homber varios biaha na San Nicolas



Diahuebs madruga a drenta informe di un problema entre un pareha cu a escala na maltrato cu hincamento dilanti Aruba Bank na San Nicolas, mesora a dirigi tanto polis como ambulance na e sitio.

compronde cu aki ta trata di un muhe cu lo a pleita cu e homber y lo a hink'e cu algo skerpi pero e sospechoso no t'ey mas pero e ta conoci. E patruxa a bay busk'e y a topa cune y a deten'e. Na yegada di ambulance a hiba e victima pa Centro Medico Imsan.

Na yegada di e patruxa a bin


Vacancy: Accountable Manager

Company: Nedgistic Express Services & Aviation NV ("NES&A")

About Us:

NES&A is the only air cargo company between the ABC Islands and is based at Reina Beatrix International Airport in Aruba. NES&A transports cargo via air between the islands of Aruba, Bonaire & Curacao with its own Piper Navajo Chieftain cargo airplane. Safe and Secure transportation of cargo is our priority while also transporting cargo in a customer care and timely manner.

Job Description:

We are seeking a highly skilled and experienced individual to join our team as an Accountable Manager. The successful candidate will be responsible for ensuring compliance with regulatory requirements, overseeing safety management systems, and maintaining the overall safety and integrity of our operations. The candidate will have corporate authority for ensuring that all operations and maintenance activities can be financed and carried out to the standard required by the DCA Authority.

Key Responsibilities:

1. The Accountable Manager is responsible for providing the necessary resources and facilities to enable the AOC postholders to perform the tasks for which they are responsible to ensure safe operations and airworthy aeroplanes.
2. The Accountable Manager established and signs NES&A formal written Quality Policy Statement defining the intent of the Quality System and his commitment to it.
3. The Accountable Manager will have overall responsibility for NES&A Quality System including the frequency, format and structure of the internal management evaluation activities.
4. The Accountable Manager maintains direct reporting links to the Flight Safety Manager and Quality Manager(s).

Qualifications:

- Bachelor's Degree in Aviation Management, Engineering, or related field.
- Minimum of 10 years of experience in aviation operations, with at least 3 years in a managerial or leadership role.
- Previous experience as an Accountable Manager or in a similar regulatory compliance role preferred.
- Experience in aircraft maintenance as well as in flight/ ground operations.
- Strong knowledge of aviation regulations, safety management systems, and industry standards.
- Excellent communication, leadership, and interpersonal skills.
- Proven ability to effectively manage multiple priorities in a dynamic environment.

How to Apply:

Interested candidates are invited to submit their resume and cover letter to info@nesaviation.com by April 5th, 2024. Please include "Accountable Manager Application" in the subject line of your email.
 Deadline for Applications: April 5th, 2024

Auto a bay sali for di cura y a dal auto pasando riba caminda di Hooiberg



Diahuebs mainta a drenta informe di un accidente na Hooiberg dilanti di Maiky's, mesora a dirigi un patruya na e sitio.


Na yegada di e patruya a bin compronde cu aki ta trata di

un accidente unda cu un auto preto Hyundai a bay sali for di cura pero no a duna preferencia na e auto blauw bayendo pariba y a dal den esaki. Afortunadamente ningun hende a resulta herida.

Ladronnan hortando boternan di gas na casnan y apartamentonan na Bubali y vecindario

Diahuebs mainta a drenta informe di un caso di ladronia di 2 boternan di gas na Bubali, mesora a dirigi un patruya na e sitio.

Na yegada di e patruya a bin compronde cu ladronnan a horta door di corta e slang di tubonan di gas chikito.



Polis na Eagle Beach pa intermedia problema di huurmento di beach chair cu turista

Diahuebs mainta a drenta informe di un problema cu lo a surgi cu un turista na Eagle Beach encuanto di huurmento di "Beach Chair", mesora a dirigi un patruya na e sitio.

Na yegada di e patruya nan a intermedia y a resolve e diferencianan entre e compania y e turistanan unda ambos a keda satisfecho.



ONU ta adopta resolucion sosteniendo esfuersonan pa sigura cu inteligencia artificial ta safe

(AP) — Asamblea General a aproba e prome resolucion di Nacionnan Uni riba inteligencia artificial (AI) ayera, durante sosten global na un esfuerso internacional pa sigura cu e tecnologia poderoso nobo ta beneficia tur nacion, ta respeta derechonan humano, y ta “safe, sigur y confiable.”

E resolucion, patrocina pa Merca y co-patrocina pa 123 pais incluyendo China, a keda adopta cu consenso y in un voto, loke ta nifica cu e tin sosten di tur 193 nacion miembro di ONU.

Na e reunion di lidernan mundial september ultimo na e Asamblea General, presidente Joe Biden a bisa cu Merca tin plan pa traha cu competidornan rond mundo



pa sigura cu ta dirigi AI “pa bon mientras ta protege nos ciudadanonan di e riesgo mas profundo aki.”

Den ultimo lunanan, Merca a traha cu mas di 120 pais na Nacionnan Uni – incluyendo Rusia, China y Cuba – pa negocia e texto di e resolucion

adopta ayera.

Na un conferencia di prensa despues di e voto, embahadornan di Bahamas, Hapon, Hulanda, Maroco, Singapur y Reino Uni entusiastamente a sostene e resolucion, uniendo embahador Mericano cu a yam’e “un bon dia pa

Nacionnan Uni y un bon dia pa multilateralismo.”

E resolucion tin meta pa cera e division digital entre paisnan rico desaroya y paisnan mas pover den desaroyo pa sigura cu nan tur ta na mesa den discusionnan riba AI. Tambe tin meta pa sigura cu paisnan den desaroyo tin e tecnologia y capacidad pa tuma bentaha di e beneficiannan di AI, incluyendo deteccion di malesa, prediccion di inundacion, yuda agricultor y train e proximo generacion di trahado.

E resolucion ta reconoce e aceleracion rapido di desaroyo di AI y su uso, y ta destaca “e urgencia pa logra consenso global riba sistemanan sigur y confiable di inteligencia artificial.”

Tambe ta reconoce cu

“gubernacion di sistemanan di inteligencia artificial ta un area den evolucion” cu mes- ter mas discusion riba posible maneho di gubernacion. Y ta destaca cu innovacion y regulacion ta reenforza mutuamente – no exclui mutuamente.

Companianan ‘Big Tech’ generalmente a sostene e necesidad pa regula AI mientras ta lobby pa sigura cu cu- alkier regla ta traha den nan favor.

Legisladornan di Union Europeo a duna aprobacion final dia 13 di maart pa e prome reglanan comprensivo di AI na mundo, cu ta na caminda pa dreña na vigor na mei of juni despues di algun formalidad final.

E prome y unico hotel den Caribe certifica como Carbon Neutral lo participa den “E ora cu por cambia mundo”



Bucuti & Tara Beach Resort, Aruba lo bay paga su luz pa conmemora “Earth Hour 2024”. E resort lo bin hunto cu un comunidad mundial riba 23 di maart for di 8.30pm pa 9.30pm. E accion aki te’y pa brinda atencion na e cambio cu lo mester wordo haci pa

combati cambio climatico. Huespednan di Bucuti & Tara lo haya e oportunidad pa participa den “E ora mas grandi pa mundo”, cu diferente actividad cu e resort a prepara.

Participacion anticipa mas grandi den historia di e even-

to E prome Earth Hour a cuminsa na 2007 y awo ta conoci como e iniciativa cu ta haci tur participante paga tur luz. E evento ta simbolisa un apoyo pa e bienestar di nos planeta. Cu participante di mas di 190 paisnan, e organizacion ta manda un mensahe rond di mundo cu cada ora y minuut ta conta. Cada aña mas hende ta participa, asina mas hende ta realisa e efecto cu e evento aki tin riba e salud di nos planeta. E organizacion di Earth Hour ta informa cu esaki ta e prome generacion cu tin e solucion y posibilidad pa haci e cambio necesario pa mehora nos medio ambiente. E tambe ta e delaster generacion cu mester pone accion, prome cu no por mas.

E resort ta brinda su huespednan un oportunidad pa participa

Stargazing Experience. Huespednan ta wordo invita pa sinta riba nos bunita Eagle Beach dilanti di nos shelo yena cu strea. Cu un team di experto di Space and Nature Aruba Foundation, cual ta reconoci door di UNESCO y e International Astromical Union. E organizacion lo brinda ayudo pa asina tur hende presente por haya un experiencia pa wak nos bunita strea cu un telescop.

Un cena consciente. Chef



Alexander Powell hunto cu su team di experto ta creando un experiencia culinario cu lo honra nos planeta. Tur plato lo wordo prepara usando menos energia posibel y cero gas. E menu lo consisti di ingredientenan fresco y tur producto cu por wordo produci localmente. E evento aki lo tuma lugar na e oceanfront restaurant di Bucuti & Tara Beach Resort: Elements Restaurant.

Meditation pa crea conexion. E sesion di meditacion lo wordo dirigi door di e instructor conoci como, Shanti. Su filosofia, “We are enlightened beings of nature”. Esaki lo ta un experiencia special pa e huespednan di meditacion cu lo enfoca riba crea un conexion cu nos medio am-

biente.

Pelicula bou strea. Huespednan por relaha riba e lounge chairs di e resort na su private outdoor movie venue. Lo por mira un pelicula, pa inspira & siña over di nos planeta. Esaki lo wordo brinda solamente usando energia solar.

Bucuti & Tara Beach Resort ta invita tur compania of persona pa participa den e evento aki, pa representa Aruba den un iniciativa pa mehora nos mundo. Doño y CEO di Bucuti & Tara ta comparti, “E no ta costa nada pa participa den un evento cu por yuda nos conscientisa nos mes over di un topico cu juist lo costa nos tur cos.” Bishita nos website bucuti.com pa siña mas.



Wings of Hope AUA Airport Runway Run 2024

Fortaleciendo e comunidnan y inspirando e futuro generacionnan

Recientemente e team di Wings of Hope (WOH) cu ta forma parti di Aruba Airport Authority N.V. a organisa e di dos AUA Airport Runway Run riba diadomingo 17 di maart 2024, caminda un total di 125 coredo a duna bek na comunidad di un manera inolvidabel.

Den presencia di tur coredo y boluntario, e team di Wings of Hope simbolicamente a haci un donacion di 7.500 florin pa dos fundacion, esta Trampolin pa Trabao y Funari. Trampolin pa Trabao su meta ta pa haya un trabao pa esnan di 17 aña bay ariba y cu tin un limitacion, door di ofrece nan un capacitacion laboral y "match" nan cliente cu e dunadonan di trabao local cu miho ta complementa nan potencial. Funari ta enfoca riba e integracion social di e personanan cu un limitacion fisico den sociedad pa medio di mantene nan curpa y mente activo.

Pa e di dos edicion di AUA Airport Runway Run, tur 125 coredo a core un poco mas cu 5K cuminsando desde Runway 11 pa Runway 29 y djey bek pa Runway 11 pa asina yega final. Tur coredo a ricibi diferente gadgets di AUA manera Safety Vest y un Hydration Belt Waist Bag pa haci uzo di dje durante e coremento. Pa finalisa cu e evento, a warda tur coredo na e final cu bebida pa refresca incluyendo coco cu e logo nobo di Wings of Hope. A rifa un total di 32 premio entre e participantenan, e premionan tabata inclui producto electronico, material



pa haci deporte, voucher pa salud y bienestar, voucher pa biah e y voucher pa haci trabao den hardin y mucho mas.

Pa honra Wings of Hope su esfuersonan pa ehecuta e proyectonan social cu tin un impacto positivo pa comunidad di Aruba, Wings of Hope a lansa su logo nobo cu ta nifica resiliencia, compasion y progreso. Di e manera aki ta demostra un promesa pa construi un miho futuro, caminda cada persona tin acceso na cuminda, educacion

y oportunidad pa crece guia pa e Sustainable Development Goals di Nacionnan Uni. Wings of Hope lo sigui curasha e comunidnan y inspira e futuro generacionnan.

AAA y WoH ta sumamente agradecido cu tur boluntario, coredo, organisacion y e demas gruponan cu a participa den e di dos edicion di AUA Airport Runway Run p'asina haci e actividad aki uno exitoso y inolvidabel.

OPENBARE AANBESTEDING PUBLIC TENDER

Coenobita Real Estate 101 Development V.B.A.
Coenobita Real Estate nodigt hierbij belangstellenden uit voor deelname aan de openbare aanbesteding van het werk:
Sloopwerken deel I ex-Codemsa gebouw

Het werk bestaat in hoofdzaak uit de nodige demontage en/of sloopwerken binnen in het ex-Codemsa gebouw en wat bouwsels erbuiten te Cumana. Alles zoals omschreven in bestek met tekeningen BKConsult 23P23 dd 19dec '23.

Bezichtiging is op 19 maart as om 9:00 am ter plaatse. Vragen kunnen worden gesteld tot vrijdag 22 maart as, 11:00 am. De nota wordt toegestuurd aan de kopers van het bestek binnen 3 dagen.

Aanbesteding is op vrijdag 5 april 2024, om 11:00 exact ten kantore van BKConsult.

Het bestek is te koop bij het kantoor van BKConsult N.V. aan de Galileistraat 2 vanaf 14 maart as. voor het bedrag van AWG 100,-.

Hapon ta derota Nort Korea den clasificacion pa Mundial

Y despues Nort Korea ta cancela bishita di Hapon, segun medionan

(AP) — Segun reportanenan, Nort Korea a cancela un bishita di Hapon den un partido di clasificacion pa Mundial apenas algun ora despues di perde contra Hapon na Tokyo ayera.

Hapon a anota despues di apenas 90 seconde, y a mantene Nort Korea pa gana 1-0 y mantene su comienso perfecto den e segundo ronda di clasificacion Asiatico pa e Mundial 2026.

Tiki despues, hefe di Asociacion Hapones di Futbol, Kozo Tashima a bisa Kyodo News cu Nort Korea a cancela e partido programa di clasificacion contra Hapon diamars na Pyongyang, durando e noticia den un carta na Confederacion Asiatico di Futbol.

Nort Korea tabata preocupa

pa “un malesa infeccioso maligno” na Hapon, un referencia aparente na un aumento di caso di infeccion di streptococcus, Kyodo a bisa.

E tiro di Ao Tanaka na e Stadion Nacional a duna e anfitrión Hapon tres victoria den tres wega di Grupo B. E centrocampista a manda e tiro for di un area di penalty hopi druk despues di un pull-back di Ritsu Doan.

Nort Korea, anima pa un cantidad chikito di fanatico den camiseta cora, tabata falta poder di atake pa drenta back den e wega. Nort Korea tin apenas tres punto di e prome tres wega di grupo.

“Nos tabata kier a duna nos fanaticonan un bon resultado y nos ta lamenta cu nos no a logra pero e tabata un bon wega,” coach Nort Koreano, Sin Yong Nam a bisa.



Sur Korea a empata cu Thailandia 1-1 na Seoul den su prome wega desde cu Jurgen Klinsmann a haya retiro como coach na februari.

Son Heung-min a pone Sur Korea den bentaha despues di 42 minuut cu un tiro cercano. Tiki despues di un ora, Suphanat Mueanta a empata. “No tin manera pa evadi e

hecho cu e tabata un resultado decepcionante pero tabatin aspectonan positivo pa saca di e wega,” Son a bisa.

A pesar di e empate, Sur Korea a keda den top di Grupo C prome cu e wega diamars na Bangkok, tres punto riba Thailandia y China, cu a empata 2-2 cu Singapur.

Australia a gana tur tres di su weganan di Grupo I despues di derota Libanon 2-0 na Sydney.

Keanu Baccus a duna apertura na anotacion despues di apenas cinco minuut, y Kye Rowles a agrega e di dos tiki despues di e restart.

Irak, Saudi Arabia y Emirato Arabe Uni tur a mantene nan record perfecto, cu victorianan respectivo riba Filipinas, Tajikistan y Yemen.

Den e prome accion di Jordania desde cu a perde e final di Cup Asiatico contra Qatar na Februari, a derota Pakistan 3-0. Qatar a derota Kuwait cu e mesun score.

E dos team top di cada un di e nueve grupo ta avansa na e ronda final. E alocacion automatico di Asia den Mundial a aumenta di cuatro pa ocho.

Representante di Comision di Atletas, Kamilah Dammers a biaha pa e Foro Suramericano na Rio de Janeiro, Brazil

Ayera tardi e bolichero, Kamilah Dammers a biaha pa Rio de Janeiro, Brazil unda e lo atende e Foro Suramericano organisa pa ODESUR. Representando e Comision di Atletas di Aruba, Kamilah lo bishita e centro di entrenamiento di Comitè

Olimpico di Brazil.

E diabierna lo tin varios sesion di entre otro alto rendimiento, safe sport, hende muher den deporte, marketing y sostenibilidad. Tambe Kamilah lo topa cu otro representante nan di Comision di Atletas di Sur America

unda lo intercambia idea pa mehoracion riba tur area di deporte den e continente.

Diasabra lo ta un dia mas bien di networking mientras den oranan di atardi lo tin un tour na Pão de Açúcar y anochi un dinner pa clausura e Foro di ODESUR.



Team Sero Blanco a bira siguiente victima!

Shonnan, diasabra ultimo, 16 di maart, un berdadero sambombaso di wega di domino tabatin na e palacio di plak piedra, e unico Domino Square Garden, aya n’e grengs entre Calabas y Kudawecha.

E dinamico “team to beat”, esta Team Snor, bou liderasgo dje flamante “Snor” Perez hunto cu su “general tactico”, Captain Magda, a pronostica cu Sero Blanco Domino Team lo bira nan siguiente victima, pero shonnan, locual si nan no a pronostica ta cu esaki lo bira un “zware bevaling”!

Team Sero Blanco a bay c’un berdadero ekipo ‘mercenario’ cu intencion serio di corta Snor su bigote y ponele come esaki sin salo y sin peper!

Ora bo wak cara di Nai Rasmijn ta milita den ekipo di domino, hala faha mara pasobra cos ta bay bira ‘spannend’! E prome



tanda a bay estilo un pa mi, un pa bo. Un rato Snor ta ‘on top’, un otro rato e ta ‘den bottom’, y asina ey e wega ta preta-preta y dado momento Sero Blanco ta ariba cu 10-9! Team Snor ta grita “alle hens aan dek”, y cu hopi lucha toch ta logra drenta halftime cu bentaha minimo di 11-10!

Despues di a goza dje snacknan gratis, e bataya ta continua y



ansha! Sero Blanco ta manera tribon cu a hole sanger y ta bay den un “feeding frenzy”! Score ta bay 19-18 pa Sero Blanco. Angustia total ora Sero Blanco ta yega ‘top of the hill’ cu score di 20-18! Captain Magda un tin mas huña pa come y ta haci cambio desespera.

Ata ... Snor ta corta bentaha na 19-20; un wanta di rosea mas, y Snor ta empata sensacional-

mente na 20-20! Y ata, un biaha mas, tanten noch no cera bina su careda un ta caba! Cu forsa di alivio total Snor ta grita “Binti-uun!” y dje forma aki ta caba ansha y susto di tur hungado y fanatico.

Ambos ekipo ta brasa otro den un ambiente mutuo y di respet pa c’un berdadero bataya epico den e unico y mundialmente famoso Domino Square Garden!

Stichting Kompas for Students ta anuncia:

Pre-registracion ta habri pa programa anual 'Kompas'

Stichting Kompas for Students ta sumamente contento di anuncia cu pre-registracion pa e programa hopi anticipa di 'Kompas' 2024 awor ta oficialmente habri. E programa unico aki di 3 dia, diseña especificamente pa studiantenan cu lo cuminsa cu nan capitulo nobo den nan bida academico na Hulanda, ta programa pa tuma luga durante e dos siman di Juli.

'Kompas' 2024 ta ofrece un oportunidad pa studiantenan gana conocimiento y habilidadnan esencial den varios area critico, incluyendo finanzas, bienestar emocional, y aspectonan practico di ta

un estudiante na Hulanda. E programa meticulosamente diseña aki ta segura cu participantenan ta completamente prepara pa e biahe emocionante pero desafiante di studia na Hulanda.

Mas informacion tocante 'Kompas' 2024 lo volg den e luna di Mei.

Pakico pre-registra? Door di pre-registra awor via www.kompasforstudents.com/join/, bo no solamente lo ricibi nos "Student Guide" completamente gratis pero tambe lo ricibi updates via e-mail regularmente cu tips pa cuminsa prepara pa bay Hulanda. E guia y e updates aki ta specialmente crea pa yuda

bo den bo fase di preparacion.

Tocante Stichting Kompas for Students:

Stichting Kompas for Students ta un fundacion creador di young professionals y estudiante Arubiano. Nos meta ta pa guia y sostene estudiante den nan preparacion pa studia afo y durante nan prome aña na Hulanda. Durante e trayectoria aki nos ta brinda diferente tayer y actividad riba topico manera salud mental, finanzas, nutricion y hopi mas.

Mas over di Stichting Kompas for Students: www.kompasforstudents.com



Resultado Sorteo <i>Maart 21</i>			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
3473	6140	6474	5154
7294	0277	SUPER5	7349
7863	0971	16512	2831
MERTIA		ANOCHI	
Sorteo # 4216	Sorteo # 8200	Sorteo #	Joker Letter
1788	6240	0 x Jackpot	Proximo Jackpot
6850	1690	0 x Match 4+	140.000,-
2214	3901	0 x Match 4	
		0 x Afl. 12,00	
X2	X2		03-04-05-20-26
		Sorteo # 6422	Proximo Jackpot
Sorteo # 4216	Sorteo # 7244	0 x Jackpot	54.000,-
2903	7552	3 x Match 4	
		173 x Afl 8,00	
FP	X2		Mega Ball
		Sorteo #	Proximo Jackpot
Sorteo # 2272	Sorteo # 1949	0 x match 4	280.000,-
5397	2048	0 x Afl. 500,00	
		0 x Afl 50,00	
Sorteo # 4216	Sorteo # 6003	0 x Afl. 15,00	
3015	7653		Afl. 380.000,-
Aquario	Tauro		
Sorteo # 1090	Sorteo # 933	Sorteo #	
828	069		
X2	FP		

Recordatorio y invitacion pa hobennan "Ban cana cu Hesus"

Pastoral Hubenil Aruba (PHA) ta recorda tur hoben, amigo- y compañeronan cu e Caminda di Cruz diferente ta tuma luga diasabra 23 di maart. Invitacion ta bay tambe na famia completo.

Pakico e Caminda di Cruz aki ta diferente? Wel, pasobra e ta tuma luga den area di naturalesa (mondi) y ta un team di hoben mes ta guia e proceso. PHA ta un grupo di hoben cu kier busca mas hoben pa yega cerca di e amor di Dios.

E grupo ta topa 6'or di mainta na e parkinglot di e Santana di Sabana Basora pa cuminsa, cana un poco y drenta nos

naturalesa. E duracion ta un ora y mey y lo caba bek n'e mesun parkinglot.

PHA ta pidi esnan cu ta bay participa pa bin na tempo, trece un flashlight, termo cu awa y bisti bon keds na pia. Ki bunita ta pa habri e dia cu salida di solo y oracion, disfrutando di un dia mas cu Dios a duna bo pa reflexiona riba e Pasion y Morto di Hesus.

Check y like e facebook page di Pastoral Hubenil Aruba y haya asina mas info, see you 23/3 @

6 am. Bo ta dispuesto pa haci sacrificio pa hunto "Ban cana cu Hesus"?

King Classic Sudoku

		1				8	7	
8		9	7		2			5
				1	4			
3	5						8	
		8	5		1			2
		7	2				4	
	9	2			3	7	5	6
6	1						9	

Difficulty: ★★★★★

5/12



Dokter na warda
Oranjestad San Nicolas
Hospital Imsan
 7:00 pm / 10:00 pm **24 ora**

Botica na warda
Oranjestad: San Nicolas:
 Eagle San Lucas
 Tel. 587 9011 Tel. 584 5119
EMERGENCIA 911

POLIS
Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA
Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD
Setar 117
Web 525-4600
Elmar 523-7147

FUNERARIA
Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

Aruba Transfer Tour & Taxi C.A.
 Tel: 582 2116 /582 2010

Taxi Adres Services (24h)
 Tel. 587 5900

A1 Taxi Services Aruba
 Tel: 587-8850
 Tel: 280-2828
 Whatsapp: 592-7024

Cas Di Cultura
 Vondellaan 2 Aruba
 297-582-1010
F A D A
 Campanastraat 5 Aruba
 297-583-2999
 297-583-9610
F A V I
 Primavera 233 Aruba
 297-582-5051
 297-582-5222

F E P O
 Engelandstraat 15 Aruba
 297-583-1016
 297-583-6607

Fundacion Contra Violencia Relacional
 Tel: 583-5400

Fundacion Autismo Aruba
 Irenestraat 21 Aruba
 297-588-1179

Fundacion Pa Nos Muchanan
 Cumana 2 Aruba
 297-583-4247

Fundacion Tel Pa Hubentud
 Wilhelminastraat 19 Aruba
 297-588-6138

Koningin Wilhelmina Fonds
 Spinozastraat 9 Aruba
 297-582-0412

Mary Joan Foundation
 Sabana Blanco 8 Aruba
 297-588-9999

Rode Kruis Aruba
 Pedro Gallegostraat 14
 Tel.297-582-2219
 Fax 588-3376

Famia Planea (SBVO)
 Avenida Milio J Croes 17 B Aruba
 297-588-9591
 www.famiaplanea.org
 famiaplanea@hotmail.com

Stichting Fundacion Guia Mi
 George Madurostraat 34
 297-582-0088

Y M C A
 Calbasstraat 1 Aruba
 297-582-3072

AL-ANON group
 Sabana Liber #8, Noord (close to the hotels)
 Tel: 736-2952 or 593-7081

Exprodesk ta invita nos comerciantenan pa participa na e ultimo tayer di 'Arubaverse 2.0' na San Nicolas

Departamento di Asuntonan Economico, Comercio y Industria y su unidad Exprodesk, segun maneho economico di Minister di Economia, Comunicacion y Desaroyo Sostenibel, Sr. Geoffrey Wever, ta organisa den colaboracion cu Full Stack Vision FND e proyecto 'Arubaverse 2.0' na San Nicolas.

E proyecto tawata tin varios tayer/ meetups mensualmente y lo termina na maart 2024. E ultimo meetup na San Nicolas pa aña 2024, lo tuma luga diaranson 27 di maart na The Hub at San Nicolas (B. v/d Veen Zeppenfeldstraat 70-72), di 6:30pm pa 8:00pm. Participacion ta gratis y e idioma lo ta Papiamento y Ingles. Pa por participa mester registra na: <https://bit.ly/arubaverse>

Proyecto 'Arubaverse 2.0' E proyecto 'Arubaverse 2.0' ta consisti di diferente tayer cu e meta pa informa tur participante riba e ultimo avancen tecnologico manera 'blockchain', e futuro di e pagonan digital, bienes digital/NFT, Inteligencia Artificial y mucho mas! Pa e motibo aki, nos kier a invita tur entrepreneur y comerciante local pa nos ultimo tayer titula 'Deep Learning is Rubbish - Innovation that Challenges the Status Quo', cu PHD Candidate in AI, Sport Science & Healthcare, Sr. Francis Laclé lo presenta. Durante henter e proyecto ta pidi tur participante pa bin cu nan laptop pa asina experiencia pa nan mes den un forma practico con pa aplica inmediatamente tur loke nan a siña.

Tayer 'Deep Learning is Rubbish - Innovation that Challenges the Status Quo' E tayer aki ta diseña pa tur persona cu ta interesa den genera ideanan nobo y forma parti di e combersacion transformador di e mundo dinamico di Inteligencia Ar-



tificial. Den e tayer aki lo trata e siguiente topiconan:

- 'Take a peek under the hood to understand the inner workings of Deep Learning';
- 'Get an overview of its (future) utility and limitations';
- 'Carefully consider

if, when, and how it can be applied to your business in Aruba.'

Pa mas informacion over di e proyecto 'Arubaverse 2.0', por tuma contacto cu Sra. Sharon Meijer via: s.meijer@deaci.aw

Pronostico di tempo

Tempo:

Awe tardi y awe nochi: parcialmente nubla y generalmente seco
 Den marduga y mañan: parcialmente nubla sin awasero di importancia

Temperatura maximo 32 grado celsius
 Temperatura minimo 26 grado celsius
 Indice di calor (heat index) den y rond di oranan di merdia: 33 pa 38 grado celsius
 UV index: 12


Bahada di solo : 6:51 pm
 Subida di solo : 6:42 am

Biento:

Modera for di direccion oost te oost-noordoost;
 Forsa 3 te 4 (12 te 30 km/ora, 7 te 16 nudo).
 Den dia basta fuerte te posiblemente fuerte den rafaga;
 Forsa 5 te 6 (31 te 50 km/ora, 17 te 27 nudo).

Situacion general di tempo pa proximo 24 ora:

No ta spera mucho cambio den e tipo di clima cu ta dominando actualmente. pa e motibo aki no ta spera awa-



sero di importancia y e actual segura lo perdura. Mas aleu por bisa cu stof fini di Sahara lo stroba e visibilidad y trece un aire di calidad abou. Personanan cu problema respiratorio mester tene esaki na cuenta. Sinembargo, e concentracion di stof aki lo bira menos durante proximo dianan.

Condicionnan maritimo/estado di lama:

Na partinan protegi di costa: keto, rond di 1 pia.
 Na partinan zuid: tranquil te modera, entre 2 pa 3 pia.
 Na partinan oost te noordwest di costa: generalmente modera cu olanan di 4 pa 5 pia

Chapi y Verf Handiman

Nos ta haci tur sorto di chapi y verf cas, edificio, school. Nos ta tira sushi afo
Cel. 561 1397

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
 Oranjestad, Aruba
 Telephone: (297) 588-6699
 E-mail: info@aurorafuneralaruba.com

Salmu 23

Señor ta mi wardador, lo mi no tin falta di nada.
 Eta ponemi drumi den lugarnan di yerbe berde., canto di awanan keto. E ta restora mi alma.



Maximilian Albert Thomas Hernandez Pinedo
 mihor conoci como "Conder of Max"
 *04-04-2003 - †18-03-2024

Na number di su:

Mayornan: Qwina Hernandez Pinedo y Michel Arends
 Albert Solognier

Wela y welo:

Rufina Ridderstapt
 Manuel y Yoli
 Lucianita Dirkz y Mauricio Wolff
 †Maximo Solognier

Pareha: Michellien Tromp

Yiu: M. R. Hernandez Pinedo

Rumannan:

Jodrick Hernandez Pinedo
 Aldrick Hernandez Pinedo y Lyndsy
 Sallyslain Hernandez Pinedo y Dianelly

Subrina(o)nan:

Aribella Geerman, †Lyon y Lydrick Hernandez Pinedo

Manera subrino Killian Zuleta Rave "Gegoo" manera cu eta yame, Jayden Wernet y tur su subrino(a)nan na Colombia

Tanta y tionan:

Miguel-Angel Hernandez Pinedo y Evelyne
 Denise Hernandez Pinedo y Hendelton
 Luis Manuel Hernandez Pinedo
 Manuel Segundo Hernandez Pinedo y Jasmeline
 Michell Solognier y famia
 Micheline Solognier y famia
 Minelly Solognier y famia
 Gino Solognier y famia

Manera tanta y tio:

Jaqueline y Johnny y tur su tanta y tio nan na Colombia & New York

Prima(o)nan:

Manuel & Jurvienny, Gregory & Kylenne, Xiuluskha,
 Alisha, Luisa, Lili, Luis-Angel, Lyan, Jaysmeline, Lecyan-
 JayZionne, Jayzienne, Donaldito y famia
 Y tur su primo y prima nan di Colombia

Madrina: Jourdainne Tromp-Ras y famia

Padrino: Tommy Matos

Amistad serca: Romen, Alixe, Mayron, Eythan, Rysshelon,
 Ruthey, Shaydion
 Team MMT

Bon Bisiñanan: Jessica y Famia y Joontje

Demas famia y conocir: Hernandez Pinedo, Ridderstapt,
 Istatia, Arends, Ras, Tromp, Quandt, Zuleta Rave,
 Solognier, Dirkz, Soliana, Loaiza, Wolff, Geerman, Mundell,
 Werleman, Lesandrina, Pieters, Sievinger, Quintero,
 Schreuders, Maduro

Si den nos tristeza nos por a lubida algun famia of conoci,
 nos ta pidi nos disculpa.

Oportunidad pa condolencia: diabierna 22 di maart 2024 di
 07:00 – 09:00 pm na Royal Funeral Home

Ta invita pa e acto di entierro cu lo tuma lugar diasabra 23 di
 maart di 02:00 – 04:00 pm na Royal Funeral Home, despues
 lo sali pa Santana.

Despues di intiero no ta ricibi bishita di condolencia na cas.

Aurora

Royal Pray

Funeral Home & Crematory

"Señor ta mi wardador, mi'n tin falta di nada
 Den cunucu di yerba berde e ta ponemi sosega.
 E ta hibami na awa trankil,
 Pa mi bolbe haña forsa".
 Salmu: 23



Nos ta anuncia fayecimento di:
Mayra M. Colina
 *04-11-1961 †19-03-2024

Na number di su:

Ruman: Gina Jaeger-Colina

Sobrinonan: Matthew and Justin Jaeger

Omonan y Tantanan

Swa: Rod Jaeger

Primo y primanan, amigo y amiganan, bisiñanan.

Dispensa nos si den nos tristeza nos por a lubida un of otro persona

Ta invita pa e acto di despedida cu lo tuma lugar Diasabra 23 di maart 2024 na Aurora Funeral Home for di 9:00 di mainta pa 11:00 or di mainta. Cremashon lo tuma lugar den seno familiar.

Aurora

Royal Pray

Funeral Home & Crematory

Lagrima y floran por seca,
 su recuerdonan y tur loke el a haci y significa pa nos, lo keda grabá pa semper den nos mente y curason.
 "Cerca Dios mi alma ta na paz,
 ta di E mi salbacion ta bin"
 Salmu 62:1



Cu profundo tristeza den nos curazon, pero agradecido na Señor pa tur locual el a haci y significa pa nos, nos ta anuncia cu a bay sosega den brasa di Señor

Juan Dominic Semeleer
 * 21-11-1931 † 20-03-2024

Acto di entierro lo wordo anuncia despues.

Aurora

Royal Pray

Funeral Home & Crematory

Laga tur loke ta spera mi ta bunita
 Laga tur locual cu mi encontra na caminda ta bunita
 Laga tur locual cu mi laga atras keda bunita y
 Laga esakinan termina den tur buniteza.
 Autor: Cado Wever.



Cu dolor na nos curason, nos ta participa fayecimento di nos ser stima:

Teofilo Villano Dania
 Cariñosamente yama "Lo of Tatay"
 *29-02-1944 - †19-03-2024

Acto di entierro lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
 Oranjestad, Aruba
 Telephone: (297) 588-6699
 E-mail: info@aurorafuneralaruba.com

"Dios ta amor y amor ta Dios,
 maske mi no ta na e mundo aki mas, tur dia lo mi ta banda di boso curazon, mi por stens di loke Señor ta haci" Salmu 33



Cu inmenso tristeza na nos curason, nos ta participa fayecimento di nos ruman y omo stima:

Rosimbo Werleman

Cariñosamente conoci como "Ronny of Oi"
 *06-05-1959 – †09-03-2024
 Ex-trahado di Telefondienst

Na number di su

Mayornan:
 † Margaritha y † Genaro Werleman-Everon

Rumannan: Beto Rafini

† Francisco Rafini
 Irena y † Emiterio "Emi" Boekhoudt-Rafini
 Yolanda y Miano Croes-Rafini
 Esteban Rafini
 Franklin y Ana Werleman-Diaz

Subrinonan:

Lisette Boekhoudt
 † Emilio "Gino" Boekhoudt
 Sharon Boekhoudt
 Chamila Croes
 Oswin Croes
 Sheila Rafini y Albert
 David Rafini y Anushka
 Jenny Rafini
 Junior Rafini
 † Myrlene Rafini
 Jonathan Werleman
 Alexander Werleman
 Renny Werleman y Famia

Tantanan:

Remacla Everon y Famia
 Sira y Eloy Dania y Famia
 Tanta Nichi Everon (na Hulanda)
 † Beltran Everon y famia
 † Daniel "Mo Nachi" Everon y famia
 † Calixto "Mo Tali" Everon y famia
 † Esteban Werleman y famia
 † Raymundo Werleman y famia
 † Juana y Otilio Lacle y Famia
 † Martina Erasmus y famia

Padrino: Charles Dake

† Shon Me Everon

Madrino: † Maria Everon Santana

Tur sobre subrino/a, primo/a y demas famia y conocido na Aruba y Hulanda.

Bon amigo: Mito Croes y Tilo Boekhoudt

Su 2 cacho nan stima: Muñeca y Princesa

Demas famia: Werleman, Rafini, Boekhoudt, de Oliveira e Silva, Croes, Diaz, Dania, Lacle, Everon.

Nos disculpa si den nos tristeza nos por a lubida algun of otro familiar.

Acto di entierro lo tuma lugar diasabra 23 Maart 2024 na misa Santa Filomena na Paradera.

Nos defunto stima lo reposa di 9am pa 11am na misa Santa Filomena pa despues sigui pa su ultimo lugar di sosiego na Santana Catolico Pastoor Kraanwinkel Paradera. Alabes nos kier invita pa 1 Santo Sacrificio di misa cual lo tuma lugar na Misa Santa Filomena na Paradera, dialuna 25 di maart 2024 pa 7'or di anochi.

Lamentablemente nos no por ricibi bishita di condolencia na cas despues di entierro.

Prome hende muhe pa participa den eleccion presidencial na Senegal ta inspirando speransa

(AP)—E unico candidato presidencial femenino na Senegal tin casi ningun chens di gana e eleccion diadomingo, pero activistanan ta bisa cu su presencia ta yudando pa avansa un campaña pa logra igualdad di genero den e nacion na West Africa.

Anta Babacas Ngom ta un bos pa ambos hende muhe y hobennan—gruponan cu a sufri mas di e dificultadnan economico di e pais, desempleo den e nacion y aumento den prijs. El a priminti pa crea miyones di trabao y un banco pa hende muhe pa apoya nan independencia economico.

Tiki a anticipa cu Ngom lo ta entre e candidatonan presidencial, pero activistanan ta bisa cu e hecho cu un hende muhe a yega asina leu den e careda pa prome biaha den basta aña ta refleha con hende muhe ta avansando den e lucha pa igualdad.

Ngom ta e prome candidato femenino pa participa den e eleccion presidencial den mas cu un decada, reflehando con progreso a keda slow pa activistanan, ken ta bisa cu tabatin un cambio entre hobennan pa perspectivanan mas tradicional di e rolnan di hende muhe den sociedad.



Algun hende muhe na Senegal ta regresando na e nocion tradicional di matrimonio, segun Marième Wone Ly, e prome hende muhe pa lidera un partido politica na Senegal mas cu dos decada pasa. “Nos mester ta cuidadoso. Tin un cierto regresion cu ta bin cu esaki,” el a bisa, referiendo na con interpretacionnan erroneo di Islam por actua en contra di e forsanan di progreso pa igualdad. “Nos a bay atras un tiki a pesar di paridad.”

E pais a apunta un prome minister femenino pa prome biaha den 2001, y den 2010 un ley a rekeri cu tur partido politico introduci un paridad di genero den listanan electoral cu ta yuda crece participacion femenino den politica.

Den 2012, dos hende muhe a uni e careda pa e presidencia, y mientras nan a haya menos cu 1% di e voto cada un, analistanan a bisa cu nan participacion tabata importante. Hendenan muhe na Senegal ta forma parti di 40% di e parlamento, un di e nivelnan mas halto di representacion den Africa.

Lidernan di UE ta reuni cu municion pa Ucrania y ayudo pa Gaza prome riba nan agenda

(AP)—Lidernan di Union Euro a reuni diahuebs pa considera maneranan nobo pa yuda aumenta arma y produccion di municion pa Ucrania y pa discuti e guerra na Gaza entre preocupacionnan tocante e plannan di Israel pa lansa ofensa na tera den e ciudad di Rafah.

E deposito di municion na Ucrania ta desesperadamente abao, y Rusia tin mas ty miho tropa arma. Tambe tin un conscientisacion creciente cu UE mester provee su mesun seguridad, cu campananan di eleccion na Merca causando preocupacion tocante e compromiso di Washington na su aliadonan.

Prome cu e cumbre na Bruselas, presidente di e consejo di UE Charles Michel a bisa cu e Europeonan “ta enfrenta un momento crucial. Urgencia, intensidad y determinacion ta imperativo.” Plannan nobo ta riba mesa, notablemente pa usa e ganashinan di activonan para di Rusia pa cumpra armanan y municion

pa Ucrania.

Secretario-General di e Organizacion di Nacionnan Uni (ONU) Antonio Guterres lo participa na e comienso di e reunion di dos dia, parcialmente pa encurasha algun pais miembro pa sigui cu nan fundamento pa e agencia di alivio pa Palestina di ONU, e proveedor principal di ayudo pa Gaza.

E agencia, conoci como

UNRWA, ta tambaliando di e acusacionnan cu 12 di su 13,000 personal na Gaza a participa den e atake di dia 7 di october na parti sur di Israel. E agencia a despedi di e empleadonan, pero mas cu un decena di pais a suspende fondo cu un balor di 450 miyon dollar, casi mita di su presupuesto pa 2024.

Na comienso di luna, e Comision Europeo a bisa cu e lo paga 50 miyon euro na e

agencia despues cu el a acorda pa permiti expertonan apunta pa UE pa revisa e manera cu personalnan di screening ta identifica extremistanan. Alemania, notablemente, no a continua cu fundamento.

E guerra entre Hamas y Israel a causa cu 80% di e poblacion di Gaza a perde nan hogar, y oficialnan di ONU a bisa cu un kwart di e poblacion ta pasando den hamber. E agencia ta e proveedor principal pa

cuminda, awa y shelter pero ta cerca di un collapse financiero.

Preocupacion ta creciendo tocante un atake ofensivo riba tera di Israel contra Hamas na Rafah, e ciudad mas sur di Gaza cerca di e frontera cu Egipto. E ta un plan cu a bati alarma globalmente pa via di e potencial pa daño di shen miles di civil den refugio eynan.

Prome minister Israeli Benjamin Netanyahu a bisa cu Israel no por logra su meta di “victoria total” contra Hamas sin bay den Rafah. Den un version preliminar di nan declaracion di cumbre, e lidernan ta plania pa subraya cu un operacion asina “por empeora e situacion humanitario y preveni e provisionnan necesario di servicjonan basico y asistencia humanitario.”

Ta anticipa cu e lidernan tambe lo duna aprobacion pa Bosnia pa habri discusionnan di miembresia un bes cu e cumpli cu cierto condicion.



Ta cancela prestamo di estudio pa 78,000 trahado publico via cambionan di administracion di Biden

(AP)—78,000 Mericano mas lo haya nan prestamo di estudio cancela via un programa cu ta yuda docente-, bombero- y otro sirbidonan publico, segun e administacion di Biden a anuncia diahuebs.

E departamento di Educacion ta cancela e prestamo di e fiadonan pasobra nan a cumpli cu 10 aña di pago mientras nan ta traha den servicio publico, haciendo nan eligible pa alivio bao di e programa di Public Service Loan Forgiveness.

E trahadonan publico aki a dedica nan carera pa sirbi nan comunidad, pero pa via di fracasonan di administracion den pasado, nunca a haya e alivio pa cual nan tin derecho bao di e ley,” presidente Joe Biden a bisa den declaracion.

Congreso a crea e programa na 2007, pero reglanan estricto y fayonan pa servicionan di prestamo di educacion a laga cu hopi fiado no a haya e cancelacion cu a priminti nan. E administracion di Biden a relaha algun di e reglanan y a duna hopi fiado credito pa nan 10 aña di pago.

Por medio di e accionnan aki,



e administacion di Biden a cancela prestamo di mas cu 78,000 trahado publico. Anteriormente, aproximadamente 7,000 fiador a haya nan prestamo cancela. E ultimo ronda lo cancela aproximadamente 5.8 miyon dollar den prestamo di educacion.

Cuminsando otro siman, esnan ricibiendo e cancelacion lo haya un e-mail di Biden felicitando nan di nan alivio. Un mensahe di e presidente democratico, ken ta campañando pa un reeleccion, tambe lo ser manda na 380,000 fiadonan cu ta dentro di dos aña di pordon bao e programa.

“Mi ta spera pa sigui e trabao importante di sirbi bo comunidad,” e mensahe a bisa. “y si bo haci esaki, den menos cu dos aña bo por haya e resto di bo prestamo di educacion cancela via e Public Service Loan Forgiveness.”

A crea e programa pa encurasha Mericanonan pa traha den servicio publico, incluyendo docente-, bombero-, nurse- y empleadonan di gobierno y esnan cu ta traha pa gruponan no-gubernamental. Despues di 10 aña di pagonan mensual riba nan prestamo, e programa a priminti pa cancela e resto.

Pero ora e prome ola di trahadonan a cumpli nan marca

di 10 aña, e mayoria a haya rechazo. Hopi no a realisa cu nan prestamo no tabata eligible bao di e reglanan di e programa, y hopi a ser guia inadecuadamente den abstencion pa nan servicionan di prestamo, poniendo un pausa temporario riba pagonan y parando nan progreso pa cancelacion.

Den 2021, e administracion di Biden a ofrece un coreccion di un biaha pa duna fiadonan credito pa pagonan den pasado hasta si nan a keda den abstencion of tabatin un prestamo eligibel. Despues e administracion a relaha algun di e reglanan permanentemente. Pagonan di mas cu 15

dia despues di e deadline no a ser conta den e 10 añanan, por ehempel, pero e reglanan nobo a conta pagonan cu tabata laat of a haci den instalacion.

“Awe, mas cu 100 biaha mas fiado tabata eligibel pa PSLF compara cu na comienso di e administracion,” secretario di Educacion Miguel Cardona a bisa diahuebs. E administracion di Biden ta bisa cu awo el a cancela casi 144 biyon den prestamo di educacion via e programa di servicio publico y otronan, incluyendo un programa pa fiadonan cu a ser mal guia pa nan colega.

Separadamente, Biden ta pushando pa cancelacion mas amplio pa fiadonan cu tin decadas ta haciendo pago y esnan cu a bay universidad cu ta ser considera di tin menos balor pa graduadonan, entre otro.

E departamento di Educacion ta persiguiendo e plan ey via un proceso federal pa traha regla despues cu e Corte Supremo Mericano a blokia e intentonan anterior di Biden pa un cancelacion mas amplio.

Despues di eleccion preordena, Putin ta bisa cu votonan ta proba apoyo publico pa su politicanan

(AP)—Presidente Vladimir Putin a gradici Rusonan diahuebs pa entrega papeleta den un voto presidencial den cual el a fortalece su dominio riba e pais pa un otro seis aña despues di e abordamento mas estricto riba disidencia desde temponan di e Union Sovietico.

Cualquier critica publico di Putin y su guerra den Ucrania a ser sofoca, media independiente a ser kibra y e oponente mas feroz di Putin, Alexei Navalny, a muri den un prizon Arctico luna pasa y otro activistanan den oposicion ta sea den prizon of den exilio. Lidernan den west a denuncia e eleccion como fraude.

Papiando den un video despues di e anuncio di e resultadonan di eleccion cual a muestra cu el a gana 87% di e votonan, Putin a argumenta cu esaki a refleha un sosten



fuerte di publico.

“Esaki kiermen sosten pa e curso politico y economico di e pais, nos logronan comun cu, claro, por ser mas grandi pero awo mes ta haci Rusia mas fuerte y mas independiente,” el a bisa.

E Comision Central di Eleccion a publica e resultadonan oficial diahuebs, cual a muestra cu Putin a haya mas cu 76 miyon voto, e cifra mas grandi den su dominio di casi 25 aña. Su tres rivalnan di partidonan amistoso cu a apoya e politicanan di Putin a haya

cada un 3 pa 4% di e voto. Ademá di cu no tabatin hopi opcion, ningun organizacion di monitoreo independiente por a observa e eleccion y analistanan a bisa cu votamento online ta nifica cu esaki ta extremadamente vulnerable pa manipulacion.

Mientras cu e victoria di Putin nunca tabata den duda, hopi Rusonan ainda ta purba di desafia e resultado preordenado, prestando atencion riba un yamado pa e asociadonan di Navalny pa protesta e represion di Putin na cas y su guerra den Ucrania por medio di presenta na e centro di votamento diadomingo merdia. Liñanan pafo di un cantidad di centro di votamento ambos den Rusia y na su embahadanan rond mundo a surgi e tempo ey.

Putin a lidera Rusia como presidente of prome minister desde december 1999, un tendencia marca pa agresion militar internacional y un aumento di intolerancia pa disidencia. Na fin di su di cinco termino, Putin lo bira e lider Ruso cu a sirbi mas largo desde Catalina La Grande, ken a domina e pais durante siglo 17.

Sudan ta casi experienciando e crisis di hamber mas malo na mundo



(AP)—E conflicto di casi un año entre e ehército y e forsan paramilitar na Sudan a pone e nacion Africano riba caminda pa bira e crisis di hamber mas pio na mundo cu malnutricion aumentando skerpi y ya caba tumando bidanan di mucha,” e oficina humanitario di Organisacion di Nacionnan Uni (ONU) a adverti diaranson.

Edem Wosornu, director di operacionnan humanitario, a conta Consejo di Seguridad di ONU cu ya caba un tercer di e poblacion Sudanés—18 miyon hende—ta experienciando inseguridad alimentario emergente, y algun area di e region Darfur por yega na nivelnan catastrofico di hamber pa ora “e temporada di escasez na mei.

“Un evaluacion recien a revela cu un mucha ta muri cada dos ora den e campo di Zamzam na El Fasher, Nort Dafur,” el a bisa. “Nos partnernan humanitario ta calcula cu den e proximo siman- y lunanan, rond di 222,000 mucha por muri di malnutricion.”

Wosornu a yama e situacion violento cu a mira storianan horroroso di atakenan basa riba etnicidad, violencia sexual incluyendo “gang rapes”, y atakenan indiscriminatorio den areanan denso, “cosnan di pesadiya.”

Cu e spotlight global actualmente riba e guerra entre Israel y Hamas na Gaza y pa un grado menos riba e guerra na Ucrania, el a lamenta cu “un travestia humanitario ta tumando luga na Sudan scondi bao di inatencion y inaccion internacional.”

Sudan a cay den caos april año pasa, ora tensionnan entre su ehército lidera pa General Abdel Fattah Burhan y e para-ehército Rapid Support Forces comanda pa Mohammed Hamdan Dagalo a plama den batayanan riba

caya den e capital, Khartoum.

Bringamento a plama lihe na otro parti di e pais, specialmente den areanan urbano, pero na Darfur esaki a tuma un otro firma, cu atakenan brutal pa e Rapid Support Forces riba civilnan etnicamente Africano. Miles di hende a ser asesina.

Dos decada pasa, Darfur a bira sinonimo cu genocidio y crimennan di guerra, particularmente pa e milicianan Arabe Janjaweed contra poblacionnan cu ta identifica como centro of Oost Africano. Na fin di januari, e fiscal di e Corte Internacional di Crimen, Karim Khan, a bisa cu tin suficiente evidencia pa kere cu ambos banda den e conflicto ta cometiendo posibel crimen di guerra, crimennan contra humanidad of genocidio na Darfur.

Wosornu a bisa no tin respiro for di e bringamento feroz na Khartoum, Darfur y Kordofan, cual ta hogar di 90% di hende enfrentando nivelnan di inseguridad alimentario emergente.

A forsa campesinonan pa bandona nan campo y produccion di cereal a cay como cu hostilidad a move den e estado Jazeera di Sudan na december, unda produccion di grano ta mas predominante.

Den e circunstancianan aki, e entrega di ayudo humanitario mester ta un liña di bida, Wosornu a bisa, pero ONU a apela pa 2.7 biyon dollar pa Sudan cu menos cu 5% funda—ricibiendo solamente 131 miyon dollar.

El a expresa speransa cu un conferencia di donantenan di nivel halto pa Sudan y su bisinanan na Paris dia 15 di april lo resulta den “compromisonan realistico” pa apoya operacionnan di ayudo “entre un hambruna cu ta birando pio.”

Ademas, Wosornu a bisa, ONU mester tin acceso pa

yega na esnan mas vulnerable na Khartoum, Darfur, Kordofan y Jazeera cual “ta keda haya daño” debi na bringamento. Tambe mester mas apertura entre frontera y aprobacion pa entrega ayudo entre liñanan di conflicto, el a bisa.

Carl Skau, un vice director ehecutivo di e U.N. World Food Program, a conta e conseho cu e situacion di seguridad alimentario cu ta empeorando na Sudan tambe tin “consecuencianan regional grandi.” Ademas di e 18 miyon hende enfrentando inseguridad alimentario emergente na Sudan, el a bisa cu 7 miyon hende den Sur Sudan y casi 3 miyon hende na Chad cu ta comparti frontera cu Darfur tambe ta enfrentando hamber.

Actualmente, Skau a bisa, 90% di hende cu a aleha

di e nivel catastrofico di seguridad alimentario y cu mester cuminda urgentemente “ta pega den areanan cu agencianan humanitario mayormente no por tin acceso,” incluyendo Khartoum, Jazeera, Kordofan y Darfur.

“Si nos ta bay preveni pa Sudan bira e crisis di hamber mas grandi na mundo, esfuersonan coordina y diplomacia conhunto ta urgente y critico,” el a bisa. “Nos mester tur partido involvi pa provee acceso no limita: entre fronteranan y entre liñanan di conflicto.”

Expresando e mesun yamado di Wosornu pa fondo, el a bisa cu WFP mester a recorta asistencia pa 3 miyon hende den hamber na Sur Sudan y reduci racionnan pa otro pa via di un falta di placa. Y

na Chad, el a bisa, WFP lo mester trece fin na asistencia pa 1.2 miyon refugiado y casi 3 miyon Chadiano.

Skau a expresa preocupacion cu hamber lo aumenta mas skerpi ora e temporada di escasez yega na Sudan, y por resulta den inseguridad alimentario catastrofico tanten cu no tin acceso y recurso.

Rein Paulsen, director di e oficina FAO di Emergencies and Resilience, a bisa na un conferencia di prensa cu un rapport di e agencia riba Sudan publica diamars ta muestra cu e dañonan riba produccion agriculatural causa pa e conflicto: produccion di cereal den 2023 a cay na 46% mas abao cu 2022m y te cu 80% abao den areanan unda e conflicto tabata mas intenso.

IN LOVING
Memory

Marlon Tjung Angie

*16-06-1964 - †21-03-2024

Nos estimado ex-colega y amigo.

“You never forget someone who gave you so much to remember.”

Cu Marlon sosega na paz.

Di parti Gerencia, Staff y Ex-Coleganan:

Aldrich C.	Nancy	Marleen	Juan
Irene	Giomar	Yorleny	Oddy
Kevin	Calvin	Daphne	Marylin
Nanette	Aldrich A.	Mary Ann	Jhon
Sharon	Nicole	Randall	Saskia
Ulrich	Marushka	Francisco	†Ruben
Reno	Richard	Zyndra	Levy
Elsa	Renzo	Rafael	Kenneth
Joyce	Danilo	Farrah	Curtney
Lara	Johnathan	Zuleika	Charissa
Samara	Indra	Hilario	Aleida
Nestor	Lisette	Rammy	Suzanne
Johana	Twyma	Oscar	Tatiana
Lisandro	Marvin	Dorka	Sue